

二十四史九通政典類要合編

遼

第三冊

欽定四庫全書
二十四史九通政典類要合編
遼
PDG

二十四史九通政典類要合編遼目錄

卷二百十七 遼一

帝系

帝號 皇太后后妃 皇太子皇子 公主 皇族

卷二百十八 遼二

禮上 吉凶軍賓

祭山儀 拜日月 祭風伯 祭山川 祈雨 祈晴 祭先聖先師

雜祠 宗廟 原廟 柴冊儀 謁廟儀 告廟儀 時享薦新 拜陵

燕節 拜歲除 功臣配享以上吉禮 喪葬禮 上謚冊 忌辰以上禮

出師致祭 閱兵 田獵 射禮以上軍禮 常朝起居儀 正座儀 臣僚接

見儀 問聖體儀 車駕還京 勘箭 宋使見皇太后 宋使見皇帝

曲宴宋使 賀生辰正旦宋使朝辭皇帝 宋使朝辭太后 高麗西夏使人朝見

以上賓禮

卷二百十九 遼三

禮下 嘉

皇帝受冊儀 冊皇太后 冊皇后 冊皇太子 冊王妃公主 皇帝納后

太子納妃 遼漢與婚 公主下嫁 生辰朝賀 賀生皇子 正旦朝

賀 聖節朝賀 冬至朝賀 立春重午儀 歲時雜儀 天子追尊祖考妣

天子崇所生母 再生儀 巡狩 養老以上

樂

國樂 諸國樂 雅樂 大樂 二舞 散樂 鼓吹樂 相和樂

卷二百二十 遼四

輿服

國輿 漢輿 國服 漢服 符印符契 國仗 漢仗 鹵簿儀仗

食貨

屯田 水利田 陂渠 錢幣 戶口 奴婢 賦稅 役法 征商

鹽鐵 權酷 雜稅 平糶常平義倉 漕運

卷二百二十一 遼五

刑法

刑制 詳讞 決斷 考訊 守正 寬恕 峻酷 贖刑

卷二百二十一 遼六

營衛

宮衛 捺鉢 部族上 部族下

卷二百二十三 遼七

兵衛

兵制 御帳親軍 宮衛騎軍 大首領軍 衆部族軍 五京鄉丁

屬

國軍 邊境戍兵 雜考

選舉

選舉制 考績 武職考課

學校

釋奠 太學 郡縣學

卷二百二十四 遼八

職官

總敘 北面朝官 北面御帳官 北面皇族帳官 北面官官 北面部族

官 北面場坊局冶牧廩等官 北面軍官 北面邊防官 北面行軍官

北面屬國官

以上北面各官制

南面朝官

南面宮官

南面京官

南

面大番府官

南面方州官

南面分司官

南面財賦官

南面軍官

南

面邊防官

以上南面各官制

官俸

卷二百二十五

遼九

歷象

大明歷

閏考

朔考

卷二百二十六

遼十

地理

總敘

上京道

東京道

中京道

南京道

西京道

國都

二十四史九通政典類要合編卷二百十七

遼一

帝系 帝號 皇太后后妃 皇太子皇子 公主 皇族

太祖大聖大明神烈天皇帝姓耶律氏諱億字阿保機小字啜里只契丹迭刺部霞瀨益石烈鄉耶律彌里人德祖皇帝長子母曰宣簡皇后蕭氏唐咸通十三年生初母夢日墮懷中有娠及生室有神光異香體如三歲兒卽能匍匐祖母簡獻皇后異之鞠爲己子常匿於別幕塗其面不令人見三月能行醉而能言知未然事自謂左右若有神人翼衛雖韶亂言必及世務時伯父當國疑輒咨焉既長身長九尺豐上銳下目光射人關弓三百斤爲撻馬狻沙里國人號阿主沙里唐天復元年歲辛酉痕德堇可汗立以太祖爲本部夷离堇專征討冬十月授大迭烈府夷离堇明年秋七月遂拜太祖于越總知軍國事明年歲甲子冬十二月痕德堇可汗殂羣臣奉遺命請立太祖曷魯等勸

遷太祖三讓從之

遼史太祖紀

元年春正月庚寅命有司設壇于如迂王集會塢燔柴告天卽皇帝位尊母蕭氏爲皇太后立皇后蕭氏北宰相蕭轄刺南宰相耶律歐里思率羣臣上尊號曰天皇帝后曰地皇后

遼史太祖紀

天顯元年秋七月上崩年五十五天贊三年上所謂丙戌秋初必有歸處至是乃驗壬午皇后稱制權決軍國事八月辛卯康默記等攻下長嶺府甲午奉梓宮西遷壬寅堯骨討平諸州奔赴行在乙

已人皇王倍繼至九月壬戌南府宰相蘇薨丁卯梓宮至皇都權殯于子城西北已上謚昇天皇
帝廟號太祖冬十月盧龍軍節度使盧國用叛奔于唐十一月丙寅殺南院夷萬董耶律迭里耶君
耶律匹魯等二年八月丁酉葬太祖皇帝于祖陵置祖州天城軍節度使以奉陵寢統和二十六年
七月進謚大聖明皇帝重熙二十一年九月加謚大聖明神烈天皇帝太祖所崩行宮在扶
餘城西南兩河之間後建昇天殿于此而以扶餘爲黃龍府云

遼史太祖紀

遼之先出自炎帝世爲審吉國其可知者蓋自奇首云奇首生都菴山徙潢河之濱傳至雅里始立
制度置官屬刻木爲契穴地爲牢讓阻午而不肯自立雅里生毗牒毗牒生頽頽頽生禰里思大
度寡欲令不嚴而人化是爲肅祖肅祖生薩刺德嘗與黃室韋挑戰矢其數札是爲懿祖懿祖生勻
德實始教民稼穡善畜牧國以殷富是爲玄祖玄祖生撒刺的仁民愛物始置鐵冶教民鼓鑄是爲
德祖即太祖之父也世爲契丹遙輦氏之夷萬董教其政柄太祖受可汗之禪遂建國東征西討如
摧枯拉朽東自海西至於流沙北絕大漠信威萬里歷年二百豈一日之故哉

遼史太祖本紀贊語

神冊元年春二月丙申羣臣及諸屬國上尊號曰大聖明皇帝后曰應天大明地皇后大赦建

元神冊國號曰契丹

續通志遼太祖紀

神冊五年春正月乙丑始製契丹大字

續通志遼太祖紀

天顯二年春二月壬辰以青牛白馬祭天地大赦改元

續通志遼太祖紀

十一年冬十月甲子封敬瑭爲晉王幸其府敬瑭與妻李氏親捧觴上壽十一月丁酉冊敬瑭爲大

晉皇帝

續通志卷
太祖紀

帝卽位九年以前未有年號十年始建元神冊

改元三

神冊
天贊

天顯

續通考帝系考以下同

太宗孝武惠文皇帝諱德光字德謹小字彘骨太祖第二子母淳欽皇后蕭氏唐天復二年生神光異常及長貌嚴重而性寬仁軍國之務多所取決天贊元年授天下兵馬大元帥尋詔統六軍南徇地東西萬里所向皆有功天顯元年七月太祖崩皇后攝軍國事明年秋治祖陵畢冬十一月壬戌人皇王倍率羣臣請于后曰皇子大元帥勳望中外攸屬宜承大統后從之是日卽皇帝位羣臣上尊號曰嗣聖皇帝大赦有司請改元不許十二月庚辰尊皇太后爲太皇太后皇后爲應天皇太后

立妃蕭氏爲皇后

遼史太
宗紀

會同元年晉遣趙瑩奉表來賀以幽薊瀛莫涿檀順嬀儒新武雲應朔寰蔚十六州并圖籍來獻於是詔以皇都爲上京府曰臨潢升幽州爲南京南京爲東京改新州爲奉聖州武州爲歸化州

遼史
太宗

紀

大同元年二月丁巳朔入汴建國號大遼大赦改元大同夏四月丙辰朔發自汴州戊辰次高邑不豫丁丑崩于樂城年四十六是歲九月壬子朔葬于鳳山陵曰懷陵廟號太宗統和二十六年七月

上尊諡孝武皇帝重熙三十一年九月增諡孝武惠文皇帝遼史太宗紀續通志遼太宗紀同

太宗甫定多方遠近向化建國號備典章至於釐庶政閱名實錄囚徒教耕織配鰥寡求直言之士

得郎君海思即擢宣徽嘉唐張敬達忠於其君卒以禮葬輟遊豫而納三剋之請憫士卒而下休養

之令親征晉國重貴面縛斯可謂威德兼弘英畧間見者矣入汴之後無幾微之驕有三失之訓傳

稱鄭伯之善處勝書進秦誓之能悔過太宗蓋兼有之其卓矣乎遼史太宗本紀贊

天顯十一年冬十月甲子封敬瑭為晉王十一月丁酉冊敬瑭為大晉皇帝遼史太宗本紀

會同元年秋九月晉遣守司空馮道左散騎常侍韋勳來上皇太后尊號左僕射劉昫右諫議大夫

盧重上皇帝尊號冬十月壬寅晉遣使來謝冊禮是日復有使進獨峯馳及名馬十一月壬子皇太

后御開皇殿馮道韋勳冊上尊號曰廣德至仁昭烈崇簡應天皇太后甲子行再生柴冊禮丙寅皇

帝御宣政殿劉昫盧重冊上尊號曰睿文神武法天啟運明德章信至道廣敬昭孝嗣聖皇帝大赦

改元建國號曰大遼遼史此語繫之大同元年其實大同元年以晉百官言中外皆願戴皇帝故改舊號為遼而遼之建號則自在此時也今並據五代史及契丹國志改輯續

通志遼

太宗紀

大同元年春二月下制改晉國為大遼大赦改元續通志遼太宗紀

帝初即位羣臣請改元不許仍以天顯紀年至十二年始改元

改元二會同大同

世宗孝和莊憲皇帝諱阮小字元欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁丑太宗崩於藥城戊寅梓宮次鎮陽卽皇帝位於柩前甲申次定州太后聞帝卽位遣太弟李胡率兵拒之六月甲寅朔次南京李胡軍戰敗秋閏七月次潢河太后李胡整兵拒於橫渡用屋質之謀各罷兵移上京九月丁卯行柴冊禮羣臣上尊號曰天授皇帝大赦改大同元年爲天祿元年追諡皇考曰讓國皇帝

遼史世宗紀續通志世宗紀同

契丹國志以大同元年之明年爲天祿元年與遼史異

按續通志攷證云

天祿五年九月庚申朔自將南伐壬戌次歸化州祥古山癸亥祭讓國皇帝于行宮羣臣皆醉察割反帝遇弑年三十四應歷元年葬於顯州西山陵曰顯陵二年諡孝和皇帝廟號世宗統和二十六年七月加諡孝和莊憲皇帝

遼史世宗紀續通志世宗紀同按祥古山續通志作和尚山

世宗中才之主也入繼大統曾未三年納唐丸書卽議南伐旣乏持重宜乖周防蓋有致禍之道矣然而孝友寬慈亦有君人之度焉未及師還變起沉湎豈不可哀也哉

遼史世宗紀贊

改元一

天祿

天祿元年卽大同元年

穆宗孝安敬正皇帝諱璟小字述律太宗皇帝長子母曰靖安皇后蕭氏會同二年封壽安王天祿五年九月癸亥世宗遇害逆臣察割等伏誅丁卯卽皇帝位羣臣上尊號曰天順皇帝改元應歷

遼史

穆宗紀

應歷三年春二月辛亥朔詔用嗣聖皇帝舊璽

遼史穆宗紀

十九年春三月己巳如懷州獵獲熊歡飲方醉馳還行宮是夜近侍小哥盟人花哥庖人辛古等六人反帝遇弒年三十九廟號穆宗後附葬懷陵重熙二十一年諡曰孝安敬正皇帝

遼史穆宗紀續通志穆宗紀

同

穆宗在位十八年知女巫妖妄見誅諭臣下濫刑切諫非不明也而荒耽于酒畋獵無厭偵鵝失期加炮烙鐵梳之刑獲鴨甚歡除鷹坊刺面之令賞罰無章朝政不視而嗜殺不已變起肘腋宜哉

穆宗紀贊

應歷十年春正月周殿前都點檢趙匡胤廢周自立建國號

續通志遼穆宗紀

改元一

應歷元年即天祿五年

景宗孝成康靖皇帝諱賢字賢寧小字明晟世宗皇帝第二子母曰懷節皇后蕭氏察割之亂帝甫四歲穆宗卽位養永興宮既長穆宗醜酒怠政帝一日與韓匡嗣語及時事耶律賢適止之帝悟不復言應歷十九年二月戊辰入見穆宗曰吾兒已成人可付以政己已穆宗遇弒帝率飛龍使女里侍中蕭思溫南院樞密使高勳率甲騎千人馳赴黎明至行在哭之慟羣臣勸進遂卽皇帝位於柩前羣臣上尊號曰天贊皇帝大赦改元

遼史景宗紀續通志遼景宗紀同

乾亨四年秋九月庚子幸雲州甲辰獵于祥古山帝不豫壬子次焦山崩於行宮年三十五在位十

三年遣詔梁王隆緒嗣位軍國大事聽皇后命統和元年正月壬戌上尊諡孝成皇帝廟號景宗重
熙二十一年加諡孝成康靖皇帝

遼史景宗紀續通志遼景宗紀同

遼興六十餘年神冊會同之間日不暇給天祿應歷之君不令其終保寧而來人人望治以景宗之
資任人不疑信賞必罰若可與有爲也而竭國之力以助河東破軍殺將無救滅亡雖一取償於未
得不償失知匡嗣之罪數而不罰善郭襲之諫納而不用沙門昭敏以左道亂德寵以侍中不亦惑

乎

遼史景宗紀贊

保寧三年夏六月遣使冊漢主爲大漢英武皇帝

續通志遼景宗紀

乾亨元年夏五月己卯宋兵攻河東漢與戰不利劉繼文盧俊來奔六月劉繼元降宋漢亡甲子封
劉繼文爲彭城郡王盧俊同政事門下平章事宋人來侵丁卯北院大王希達統軍使蕭托果伊實
王薩哈勒擊之戰于沙河敗績己巳宋人圍南京丁丑詔諭耶律沙及希達托果等軍中事宜秋七
月癸未沙等及宋兵戰于高梁河大敗之

續通志遼景宗紀

二年冬十月辛丑大赦改元

續通志遼景宗紀

改元二

保寧

乾亨

保寧元年即應曆十九年

聖宗文武大孝宣皇帝諱隆緒小字文殊奴景宗皇帝長子母曰睿智皇后蕭氏帝幼喜書翰十歲
能詩既長精射法曉音律好繪畫乾亨二年封梁王四年九月壬子景宗崩癸丑即皇帝位於柩前

時年十二皇后奉遺詔攝政詔諭諸道冬十月己未朔帝始臨朝辛酉羣臣上尊號曰昭聖皇帝尊

皇后爲皇太后大赦

遼史聖宗紀續通志遼聖宗紀同

統和四年夏四月丁酉上率百僚冊上皇太后尊號曰睿德神略應運啟化承天皇帝太后禮畢羣臣

上皇帝尊號曰至德廣孝昭聖天輔皇帝

遼史聖宗紀

二十四年冬十月庚午羣臣上尊號同開泰元年冬十月甲午羣臣上尊號曰弘文宣武尊道至德

崇仁廣孝聰睿昭聖神贊天輔皇帝

遼史聖宗紀續通志遼聖宗紀同

太平十一年夏六月己卯帝崩于行宮年六十一在位四十九年景福元年閏十月壬申上尊諡曰

文武大孝宣皇帝廟號聖宗

遼史聖宗紀

聖宗幼冲嗣位政出慈闈及宋人二道來攻親御甲冑一舉而復燕雲破信彬再舉而躡河朔不亦

偉歎旣而侈心一啟佳兵不祥東有茶陀之敗西有甘州之喪此狃於常勝之過也然其踐阼四十

九年理冤滯舉才行察貪殘抑奢僭錄死事之子孫振諸部之貧乏責迎合不忠之罪却高麗女樂

之歸遜之諸帝在位長久令名無窮其唯聖宗乎

遼史聖宗紀贊

統和元年夏六月甲午帝率羣臣上皇太后尊號曰承天皇帝太后尊號曰天輔皇帝大

赦改元復國號曰大契丹

據契丹國志增輯續通志遼聖宗紀

八年冬十二月癸卯李繼遷遣使者來庚戌遣使封李繼遷爲夏國王

續通志遼聖宗紀

二十一年秋閏月己未南伐癸亥次固安甲子以青牛白馬祭天地丙寅及宋師戰于唐興大敗之

丁卯蕭達林及宋師戰于遂城又敗之按宋史是年閏九月契丹攻順安軍北平若保州定州又圍

並同據逸史則所向皆捷恐兩國各諱其敗也庚午軍于望都冬十月乙酉以黑白羊祭天地丙戌攻瀛州不克甲午下祁

州以酒脯祭天地己酉西平王李德昭遣使謝封冊十一月癸亥軍馬都指揮使耶律科里擊宋師

于洺州敗之甲子東京留守蕭巴雅爾獲宋魏府官吏田逢吉等以獻庚午攻德清軍破之壬申次

澶淵蕭達林出接地以中傷死乙亥破通利軍丁丑宋崇儀副使曹利用來約和遣飛龍使韓杞持

書報之十二月癸未宋復遣曹利用來以監門衛大將軍姚柬之報之戊子宋使李繼昌來約和願

歲輸銀十萬兩絹二十萬匹許之即遣閭門使丁振持書報聘己丑諸軍解嚴是月班師賜大丞相

齊王韓德昌姓耶徒王晉二十八年賜名隆運續通志遼聖宗紀

開泰元年冬十一月甲午朔羣臣上尊號曰弘文宣武尊道至德崇仁廣孝聰睿昭聖神贊天輔皇

帝大赦改元續通志遼聖宗紀

太平元年冬十一月癸未羣臣上尊號曰睿文英武遵道至德崇仁廣孝功成治定昭聖神贊天輔

皇帝大赦改元續通志遼聖宗紀

陵曰慶陵續通志遼聖宗紀

改元三統和二 開泰 太平 十九 九 十一

二十四年九月... 帝系... 五約雅堂藏版

興宗神聖孝章皇帝諱宗真字夷不董小字只骨聖宗長子母曰欽哀皇后蕭氏上始生齊天皇后取養之幼而聰明長而魁偉龍顏日角豁達大度善騎射好儒術通音律三歲封梁王太平元年冊爲皇太子十年六月判北南院樞密使事十一年六月己卯聖宗崩卽皇帝位於柩前壬午尊母元

妃蕭氏爲皇太后辛卯大赦改元景福

遼史興宗紀續通志遼興宗紀同

重熙元年冬十一月己卯帝率羣臣上皇太后尊號曰法天應運仁德章聖皇太后羣臣上皇帝尊

號曰文武仁聖昭孝皇帝大赦改元重熙

遼史興宗紀續通志遼興宗紀同

重熙十一年冬十一月丁亥羣臣加上尊號曰聰文聖武英略神功睿哲仁孝皇帝冊皇后蕭氏曰

貞懿宣慈崇聖皇后大赦

遼史興宗紀續通志遼興宗紀同

二十一年追尊太祖之祖爲簡獻皇帝廟號玄祖太祖之考爲宣簡皇帝廟號德祖

續通志遼興宗紀

二十四年春正月癸亥如混同江夏五月駐蹕南崖秋七月壬午如秋山次南崖之北峪不豫八月

丁亥疾大漸召燕趙國王洪基諭以治國之要戊子大赦己丑帝崩于行宮年四十遺詔燕趙國王

洪基嗣位清寧元年十月庚子上尊諡爲神聖孝章皇帝廟號興宗

遼史興宗紀續通志遼興宗紀同

興宗卽位年十有六矣不能先尊母后而尊其母以致臨朝專政賊殺不辜又不能以禮幾諫使齊

天死於弑逆有虧王者之孝惜哉若夫大行在殯飲酒博鞠疊見簡書及其謁遺像而哀慟受宋弔

而衰經所爲若出二人何爲其然歟至於感富弼之言而申南宋之好許諒祚之盟而罷西夏之兵

邊鄙不聳政治內修親策進士大修條制下至士庶得陳便宜則求治之志切矣于時左右大臣曾不聞一賢之進一事之諫欲庶幾古帝王之風其可得乎雖然聖宗而下可謂賢君矣

遼史與宗紀贊

改元二

景綱 重熙二 景福元年即一十四 太平十一年

道宗孝文皇帝諱洪基字涅鄰小字查刺興宗皇帝長子母曰仁懿皇后蕭氏六歲封梁王重熙十一年進封燕國總領中丞司事明年總北南院樞密使事加尙書令進封燕趙國王二十一年爲天下兵馬大元帥知惕隱事預朝政帝性沈靜嚴毅每朝興宗爲之斂容二十四年八月己丑興宗崩即皇帝位於柩前辛丑改元清寧大赦

遼史道宗紀續編 志遼道宗紀同

清寧元年冬十一月甲辰文武百僚上尊號曰天祐皇帝后曰懿德皇后大赦

遼史道宗紀續編 志遼道宗紀同

咸雍元年春正月辛酉朔文武百僚上尊號曰聖文神武全功大略廣智聰仁睿孝天祐皇帝改元大赦立梁王濬爲皇太子內外官賜級有差

遼史道宗紀

十年冬十二月辛巳改明年爲太康大赦

遼史道宗紀

太康十年冬十二月改明年爲太安赦雜犯死罪以下

遼史道宗紀

太安十年冬十二月乙酉詔改明年元減雜犯死罪以下

遼史道宗紀

壽隆七年春正月癸亥如混同江甲戌上崩于行宮年七十六月庚子上尊諡仁聖大孝文皇帝廟

號道宗

遼史道宗紀續編 志遼道宗紀同

道宗初即位求直言訪治道勸農興學救苗恤患粲然可觀及夫謗訕之令既行告訐之賞曰重羣邪竝興讒巧競進賊及骨肉皇基寢危取正淪胥諸部反側甲兵之用無寧歲矣一歲而飯僧三十

六萬一曰而祝髮三千徒勤小惠蔑計大本尙足與論治哉

遼史道宗紀贊

咸雍元年春正月復改國號曰遼

據宋史增輯續通志遼道宗紀

改元五

清寧 咸雍 太康 太安 壽隆 清寧元年即重熙二十四年

天祚皇帝諱延禧字延寧小字阿果道宗之孫父順宗大孝順聖皇帝母貞順皇后蕭氏太康元年生六歲封梁王加守太尉兼中書令後三年進封燕國王大安七年總北南院樞密使事加尙書令爲天下兵馬大元帥壽隆七年正月甲戌道宗崩奉遺詔即皇帝位于柩前羣臣上尊號曰天祚皇

帝二月壬辰朔改元乾統大赦

遼史天祚紀

乾統元年冬十月甲辰上皇考昭懷太子諡曰大孝順聖皇帝廟號順宗皇妣曰貞順皇后

遼史天祚紀續

通志天祚紀同

三年冬十一月丙申羣臣上尊號曰惠文智武聖孝天祚皇帝大赦戊戌以受尊號告廟乙巳謁太

祖廟追尊太祖之高祖曰昭烈皇帝廟號肅祖曾祖曰莊敬皇帝號懿祖

遼史天祚紀續通志遼天祚紀同

十年冬十二月己酉改明年元

遼史天祚紀續通志遼天祚紀同

天慶七年女直阿骨打用鐵州楊朴策即皇帝位建元天輔國號金遂遣使議和以求封冊

遼史天祚紀續

通志天祚紀同 按阿骨打續通志作阿古達

保大元年春正月丁酉朔改元肆赦

遼史天祚紀續通志遼天祚紀同

五年春正月辛巳党項小斛祿道人請臨其地戊子趨天德過沙漠金兵忽至上徒步出走近侍進珠帽却之乘張仁貴馬得脫至天德己丑遇雪無禦寒具术者以貂裘帽進途次絕糧术者進麩與棗欲怱术者即跪坐倚之假寐术者輩惟齧冰雪以濟饑過天德至夜將宿民家紿曰偵騎其家知之乃叩馬首跪而大慟潛宿其家居數日嘉其忠遙授以節度使遂趨党項以小斛祿爲西南面招討使總知軍事仍賜其子及諸校爵賞有差二月至應州新城東六十里爲金人完顏婁室等所獲八月癸卯至金丙午降封海濱王以疾終年五十有四在位二十四年金皇統元年二月改封豫王五年葬于廣寧府闔陽縣乾陵傍

遼史天祚紀續通志遼天祚紀同 按中者續通志作珠辰

保大二年春三月癸酉燕京留守宰相張琳李處溫等謀立秦晉王溈溈再三辭不獲已從之以處

溫守太尉左企弓守司徒曹勇義知樞密院事虞仲文參知政事張琳守太師李處能直樞密院餘並授官有差大放自稱天錫皇帝改元建福降封天祚帝爲湘陰王遂據有燕雲平及上京遼西六路天祚所有沙漠已北西南西北路兩都招討府諸番部族而已夏四月辛卯西南面招討使耶律佛騰降于金雲內寧邊東勝等州皆降阿蘇爲金兵所擒金已取西京沙漠以南部族皆降帝遂遁于額蘇掄五月甲戌都統瑪古收集散亡會于額勒錦丙子以瑪古知北院樞密使事兼都統六月

溥病卒眾立其妻蕭氏爲皇太后主軍國事奏遺命迎立天祚次子秦王定爲帝太后遂稱制改元德興賜李處溫死禱其子爽而磔之瑪克實以兵來援金人敗之洪灰水夏國援兵亦爲金所敗

續通志

天祚紀

三年春正月丁巳奚王蕭幹僭號稱天復元年命都統瑪古討之

續通志 天祚紀

夏五月庚申將軍耶律迪里等夜劫梁王雅里奔西北部立爲帝改元神愆辛酉渡河止于金肅軍

北肅幹爲眾所殺六月遣使冊李乾順爲夏國皇帝

續通志 天祚紀

四年夏五月金人驅燕民東徙平州張毅召左企弓等殺之仍稱保大三年畫天祚象朝夕謁事必

告而後行六月榜諭燕人復業

續通志 天祚紀

改元三

乾統 十

天慶 十

保大 五

乾統元年即 壽隆七年

右遼帝九人太祖神冊以前未建元太宗會同以前仍天顯年號自世宗以下諸帝惟聖宗卽位

踰年始改統和餘皆未踰年而卽改元者也起太祖元年丁卯

丙寅冬十二月勸進丁卯正月始行卽位禮

止天祚保

大乙巳

凡諸帝嗣位之事皆與綱目所書甲子相符

共二百十九年契丹國志作起神冊元年丙子止保大四年甲辰

共二百十五年誤王圻續通考以保大五年爲甲辰亦誤

續通考帝系考按語

耶律溥者世號爲北遼溥小字涅里興宗第四孫南京留守宋魏王和魯幹之子清寧初太后鞠育之既長篤好文學昭懷太子得罪上欲以溥爲嗣上怒耶律白斯不知與溥善出溥爲彰聖等軍節

度使天祚卽位進王鄭乾統二年加越王六年拜南府宰相首議制兩府禮儀上喜徙王魏其父和魯幹薨卽以淳襲父守南京冬夏入朝寵冠諸王天慶五年東征都監章奴濟鴨子河與淳子阿撒等三百餘人亡歸先遣敵里等以廢立之謀報淳淳斬敵里首以獻進封秦晉國王拜都元帥賜金券免漢拜禮不名許自擇將士乃募燕雲精兵東至錦州隊長武朝彥作亂劫淳淳匿而免收朝彥誅之會金兵至聚兵戰于阿里軫斗敗績收亡卒數千人拒之淳入朝釋其罪詔南京刻石紀功保大二年天祚入夾山奚王回離保林牙耶律大石等引唐靈武故事議欲立淳淳不從官屬勸進曰主上蒙塵中原擾攘若不立王百姓何歸宜熟計之遂卽位百官上號天錫皇帝改保大二年爲建福元年大赦遙降天祚爲湘陰王以燕雲平上京中京遼西六路淳主之沙漠以北南北路兩都招討府諸蕃部族等仍隸天祚自此遼國分矣軍旅之事悉委大石尋遣使奉表千金乞爲附庸事未決淳病死年六十百官僞諡曰孝章皇帝廟號宣宗葬燕西香山永安陵遺命遙立秦王定以存社稷德妃爲皇太后稱制

遼史天祚紀附

耶律雅里者天祚皇帝第二子也字撒鷲七歲欲立爲皇太子別置禁衛封梁王保大三年金師圍青塚寨雅里在軍中太保特母哥挾之出走間道行至陰山聞天祚失利趨雲內雅里馳赴時扈從者千餘人多於天祚天祚慮特母哥生變欲誅之責以不能全救諸王將訊之仗劍召雅里問曰特母哥教汝何爲雅里對曰無他言迺釋之天祚渡河奔夏隊帥耶律敵列等劫雅里北走至沙嶺羣

僚共立雅里爲主雅里遂即位改元神應命士庶上便宜雅里性寬大惡誅殺烏古部節度使札哲迭列部統軍撻不也都監突里不等各率其眾來附自是諸部繼至而雅里日漸荒怠好擊鞠特母哥切諫乃不復出以耶律敵烈爲樞密使特母哥副之敵列劾西北路招討使蕭札里憂惑眾心志有不臣與其子麻涅竝誅之以遙設爲招討使與諸蕃戰數敗杖免官從行有疲困者輒振給之直長保德諫曰今國家空虛賜賚若此將何以相給耶雅里怒曰昔敗於福山卿誣獵官今復有此言若無諸部我將何取不納初令羣牧運鹽深倉粟而民盜之議籍以償雅里乃自爲直每粟一車償一羊三車一牛五車一馬八車一馳左右曰今一羊易粟二斗且不可得乃償一車雅里曰民有則我有若令盡償民何堪後獵查刺山一日而射黃羊四十狼二十一因致疾卒年三十

遼史天祚紀附

耶律大石者世號爲西遼大石字重德太祖八代孫也通遼漢字善騎射登天慶五年進士第擢翰林應奉尋陞承旨遂以翰林爲林牙故稱大石林于歷泰祥二州刺史遼興軍節度使保大二年金兵日逼天祚播越與諸大臣立秦晉王淳爲帝淳死立其妻蕭德妃爲太后以守燕及金兵至蕭德妃歸天祚天祚怒誅德妃而責大石曰我在汝何敢立淳對曰陛下以全國之勢不能一拒敵棄國遠遁使黎民塗炭卽立十淳皆太祖子孫豈不勝乞命於他人耶上無以答賜酒食赦其罪大石不自安遂殺蕭乙薛坡里括自立爲王率鐵騎二百宵遁北行三日過黑水見白達達詳穩牀古兒牀古兒獻馬四百馳二十羊若干西至可敦城駐北庭都護府會威武崇德會蕃新大林紫河馳等七

州及大黃室韋敵刺王紀刺茶赤刺也喜鼻古德尼刺達刺乖達密里密兒紀合主烏古里阻卜普速完唐古忽母思奚的紉而畢十八部王眾諭曰我祖宗艱難創業厯遂得精兵萬餘置官吏立排甲具器仗明年二月甲午以青牛白馬祭天地祖宗整旅而西駐軍尋思干凡九十日回國王來降貢方物又西至起兒漫文武百官冊立大石爲帝以甲辰歲二月五日卽位年三十八號葛兒罕復上漢尊號曰天祐皇帝改元延慶追諡祖父爲嗣元皇帝祖母爲宣義皇后冊元妃蕭氏爲昭德皇后因謂百官曰朕與卿等行三萬里跋涉沙漠夙夜艱勤賴祖宗之福卿等之力冒登天位爾祖爾父宜加卹典共享尊榮自蕭幹里刺等四十九人祖父封爵有差延慶三年班師東歸馬行二十日得善地遂建都城號虎思斡耳朵改延慶爲康國元年三月以六院司大王蕭幹里刺爲兵馬都元帥敵刺部前同知樞密院事蕭查刺阿不副之茶赤刺部禿魯耶律燕山爲都部署護衛耶律鐵哥爲都監率七萬騎東征以青牛白馬祭天樹旗以誓于眾曰我大遼自太祖太宗艱難而成帝業其後嗣君耽樂無厭不恤國政盜賊遽起天下土崩朕率爾眾遠至朔漠期復大業以光中興此非朕與爾世居之地申命元帥幹里刺曰今汝其往信賞必罰與士卒同甘苦擇善水草以立營量敵而進毋自取禍敗也行萬餘里無所得牛馬多死勒兵而還大石曰皇天弗順數也康國十年歿在位二十年廟號德宗子夷列年幼遺命皇后權國后名塔不煙號感天皇后稱制改元咸清在位七年子夷列卽位改元紹興籍民十八歲以上得八萬四千五百戶在位十三年歿號仁宗子幼遺

詔以妹普速完權國稱制改元崇福號承天太后後與駙馬蕭朵魯不弟朴古只沙里通出駙馬爲東平王羅織殺之駙馬父幹里刺以兵圍其宮射殺普速完及朴古只沙里普速完在位十四年仁

宗次子直魯古卽位改元天禧在位三十四年時秋出獵乃蠻王屈出律以伏兵八千擒之而據其

位遂襲遼衣冠尊直魯古爲太上皇皇后爲皇太后朝夕問起居以待終焉直魯古死遼絕遼史天
祥紀附

續通志西遼附錄同 按大石續通志作達實尋思干續通志作塔什干起兒
漫續通志作奇爾瑪勒葛兒罕續通志作鳴爾汗直魯古續通志作珠勒呼

達實兵行至塔什干西域諸國舉兵十萬號呼喇繳來拒戰大敗之駐軍塔什干凡九十日回國

王來降貢方物西至奇爾瑪勒羣臣上表勸進遂以乙巳歲二月五日卽皇帝位遼史乙巳作甲辰
茲據甲子會紀改

續通志
西遼附錄

按遼史天祚帝紀末附載北遼西遼事考耶律淳與雅里達實之立均在天祚未亡之時有君而復君之于名義皆無足取惟是天祚既亡而達實尙艱難立國寡母弱子繼緒迭承幾九十年而後絕亦所以延遼國之一綫至信與雅里則無異于篡逆之徒矣 續通志遼史紀按諸同

遼起朔野兵甲之盛鼓行殿外席卷河朔樹晉楨漢何其壯歟太祖太宗乘百戰之勢輯新造之邦

英謀獻畧可謂遠矣雖以世宗中才穆宗殘暴連遼弑逆而神器不搖蓋由祖宗威令猶足以震疊

其國人也聖宗以來內修政治外拓疆宇旣而申固鄰好四境乂安維持二百餘年之基有自來矣

降臻天祚旣丁未運又歎人望崇信姦回自秅國本羣下離心金兵一集內難先作廢立之謀叛亡

之迹相繼遽起馴致土崩瓦解不可復支良可哀也耶律與蕭世爲甥舅義同休戚奉先挾私滅公

首旤構難一至於斯天祚窮蹙始悟奉先誤己不既晚乎淳雅里所謂名不正言不順事不成者也
大石苟延彼善於此亦幾何哉

遼史天祚紀贊語

右帝號

北遼西遼附

遼因突厥稱皇后曰可敦國語謂之賦俚寒尊稱曰壽幹廢蓋以配后土而母之云太祖稱帝尊祖

母曰太皇太后母曰皇太后嬪曰皇后等以徽稱加以美號質於隋唐文於故俗后族唯乙室拔里

氏而世任其國事太祖慕漢高皇帝故耶律儼稱劉氏以乙室拔里比蕭相國遂爲蕭氏

遼史后妃傳

肅祖昭烈皇后蕭氏小字卓真歸肅祖生四子見皇子表乾統三年追尊昭烈皇后

懿祖莊敬皇后蕭氏小字牙里辛肅祖嘗過其家曰同姓可結交異姓可結婚知爲蕭氏爲懿祖聘

焉生男女七人乾統三年追尊莊敬皇后

玄祖簡獻皇后蕭氏小字月里朵玄祖爲狼德所害后發居恐不免命四子往依鄰家耶律臺押乃

獲安太祖生后以骨相異常懼有陰圖害者鞠之別帳重熙二十一年追尊簡獻皇后

德祖宣簡皇后蕭氏小字巖母斤遙輦氏宰相剔刺之女男女六人太祖長子也天顯十一年崩祔

德陵重熙二十一年追尊宣簡皇后

遼史后妃列傳

太祖淳欽皇后述律氏諱平小字月理朵其先回鶻人孺思生魏寧舍利魏寧生慎思梅里慎思生

婆姑梅里婆姑娶勻德忽王女生后于契丹右大部婆姑名月梳仕遙輦氏爲阿扎割只后簡重果

斷有雄畧太祖卽位羣臣上尊號曰地皇后神冊元年大冊加號應天大明地皇后行兵御眾后嘗與謀太祖崩后稱制攝軍國事及葬欲以身殉親戚百官力諫因斷右腕納于柩太宗卽位尊爲皇太后會同初上尊號曰廣德至仁昭烈崇簡應天太后初太祖嘗謂太宗必興我家后欲令皇太子倍避之太祖冊倍爲東丹王太祖崩太宗立東丹王避之唐太后嘗屬意於少子李胡太宗崩世宗卽位于鎮陽太后怒遣李胡以兵逆擊李胡敗太后親率師遇于黃河之橫渡賴耶律屋質諫罷兵遷太后于祖州應歷三年崩年七十五祔祖陵諡曰貞烈重熙二十一年更今諡

太宗靖安皇后蕭氏小字溫淳欽皇后弟室魯之女帝爲大元帥納爲妃生穆宗及卽位立爲皇后性聰慧潔素尤被寵顧雖軍旅田獵必與天顯十年崩諡彰德葬奉陵重熙二十一年更今諡

世宗懷節皇后蕭氏小字撒葛只淳欽皇后弟阿古只之女帝爲永康王納之生景宗天祿末立爲皇后明年秋生萌古公主在尋察割作亂弑太后及帝后乘步輦直詣察割請畢收殮明日遇害諡曰孝烈皇后重熙二十一年更今諡

世宗妃甄氏後唐宮人有姿色帝從太宗南征得之寵遇甚厚生靈王只沒及卽位立爲皇后嚴明端重風神閑雅內治有法莫干以私察割作亂遇害景宗立葬二后于盤巫闕山建廟陵寢側

穆宗皇后蕭氏父知璠內供奉翰林承旨后生有雲氣馥郁久之幼有儀則帝居藩納爲妃及正位中宮性柔婉不能規正無子

景宗睿知皇后蕭氏諱緯小字燕燕北府宰相思溫女帝即位選爲貴妃尋冊爲皇后生聖宗景宗崩尊爲皇太后攝國政統和元年上尊號曰承天皇太后二十四年加上尊號曰睿德神畧應運啟化承天皇太后二十七年崩諡曰聖神宣獻皇后重熙二十一年更今諡漣淵之役親御戎車指麾三軍賞罰信明將士用命聖宗稱遼盛主后教訓爲多

聖宗仁德皇后蕭氏小字菩薩哥睿智皇后弟隗因之女年十二美而才選入掖庭統和十九年冊爲齊天皇后生皇子二皆早卒開泰五年宮人稱斤生興宗后養爲子帝崩稱斤自立爲皇太后是爲欽哀皇后護衛馮家奴喜孫等希旨誣告北府宰相蕭泥卜國舅蕭匹敵謀逆詔令鞠治連及后還后于上京車駕春蒐欽哀慮帝懷鞠育恩馳遣人加害使至后曰我實無辜天下共知卿待我浴而後就死可乎使者退比反后已崩年五十追尊仁德皇后與欽哀並祔慶陵

聖宗欽哀皇后蕭氏小字稱斤淳欽皇后弟阿古只五世孫黜面狼視入宮嘗拂承天太后楊獲金雞吞之膚色光澤勝常太后驚異曰是必有奇子已而生興宗仁德皇后無子取而養之如己出后以興宗侍仁德皇后謹不悅聖宗崩令馮家奴等誣仁德皇后與蕭泥卜蕭匹敵等謀亂從上京害之自立爲皇太后攝政重熙元年尊爲仁慈聖善欽孝廣德安靖貞純寬厚崇覺儀天皇太后三年后陰召諸弟議欲立少子重元重元以所謀白帝帝收太后符璽遷于慶州七括宮六年秋帝悔之親取奉迎侍養益孝謹后常不憚帝崩殊無戚容見崇聖皇后悲泣如禮謂曰汝年尚幼何哀痛如

是清寧初尊爲太皇太后崩諡曰欽哀皇后后初攝政追封曾祖爲蘭陵郡王父爲齊國王諸弟皆王之雖漢五侯無以過

興宗仁懿皇后蕭氏小字撻里欽哀皇后弟孝穆之長女性寬容姿貌端麗帝即位入宮生道宗重熙四年立爲皇后二十三年號貞懿慈和文惠孝敬廣愛崇聖皇后道宗即位尊爲皇太后清寧二
年上尊號曰慈懿仁 and 文惠孝敬廣愛宗天皇太后九年秋敦睦宮使耶律良以重元與其子涅魯古反狀密告太后乃言于帝帝疑之太后曰此社稷大事宜早爲計帝始戒嚴及戰太后親督衛士破逆黨太康二年崩諡仁懿皇后

興宗貴妃蕭氏小字三嬪駙馬都尉匹里之女選入東宮帝即位立爲皇后重熙初以罪降貴妃道宗宣懿皇后蕭氏小字觀音欽哀皇后弟樞密使惠之女重熙中帝王燕趙納爲妃清寧初立爲懿德皇后后生太子濬有專房寵好音樂伶官趙惟一得侍左右太康初宮婢單登教坊朱頂鶴誣后與惟一私樞密使耶律乙辛以聞詔乙辛與張孝傑劾狀因而實之族誅惟一賜后自盡歸其屍於家乾統初追諡宣懿皇后合葬慶陵

道宗惠妃蕭氏小字坦思駙馬都尉霞抹之妹太康二年乙辛譽之選入掖庭立爲皇后居數歲未見皇嗣后妹幹特懶先嫁乙辛子綬也后以宜子言于帝離婚納宮中八年皇孫延禧封梁王降爲惠妃徙乾陵幹特懶遺其家頃之其母燕國夫人厭魅梁王伏誅貶妃爲庶人幽于宜州諸弟沒入

興聖宮天慶六年召還封太皇太妃後二年奔黑頂山卒葬太子山

天祚皇后蕭氏小字奪里懶宰相繼先五世孫大安三年入宮明年封燕國王妃乾統初冊爲皇后性閑淑有儀則兄弟奉先保先等緣后寵柄任女直亂從天祚西狩以疾崩

天祚德妃蕭氏小字師姑北府宰相常哥之女壽隆二年入宮封燕國妃生子撻魯乾統三年改德妃以柴冊禮封撻魯爲燕國王加妃號贊翼王薨以哀戚卒

天祚文妃蕭氏小字瑟瑟國舅大父房之女乾統初帝幸耶律撻葛第見而悅之匿宮中數月皇太叔和魯幹勸帝以禮還納三年冬立爲文妃生蜀國公主晉王敖盧幹尤被寵幸以柴冊加號承翼女直亂作日見侵迫帝畋遊不恤忠臣多被疎斥妃作歌諷諫天祚見而銜之播遷以來郡縣所失幾半上頗有倦勤之意諸皇子敖盧幹最賢素有人望元后兄蕭奉先深忌之誣南軍都統余覲謀立晉王以妃與聞賜死

天祚元妃蕭氏小字貴哥燕國妃之妹年十七冊爲元妃性沉靜嘗晝寢近侍盜貂褌妃覺而不言宮掖稱其寬厚從天祚西狩以疾薨

遼以鞍馬爲家后妃往往長於射御軍旅田獵未嘗不從如應天之奮擊室韋承天之御戎瀟淵仁懿之親破重元古所未有亦其俗也靖安無毀無譽齊天巧思乃奢侈之漸宣懿度曲知音豈致誣讒之階乎文妃能歌詩諷諫而謂謀私其子非矣若簡憲之艱危保孤懷節之從容就義雖烈丈夫

何以過之欽哀狠桀賊殺嫡后而興宗不能防閑其母惜哉

以上並遼史后妃傳續通志后妃傳同

右皇太后后妃

肅祖四子昭烈皇后蕭氏生治晉字牙新行第一官迭刺部夷离堇子孫房在五院司懿祖第二葛刺字古昆第三官舍利早卒房在六院司治禮字敵釐第四官舍利房在六院司

懿祖四子莊敬皇后蕭氏生叔刺第一官舍利早卒怙刺字痕得第二九任迭刺部夷离堇卒年七十歲六院司呼爲夷离堇房玄祖第二褒古直字巖毋根第四官舍利年幾冠墮馬卒六院司呼爲舍利房

玄祖四子簡獻皇后蕭氏生麻魯第一官舍利早卒巖本字敵釐第二重熙中追封蜀國王三爲迭刺部夷离堇年四十五薨二子胡古只求掇其後卽三父房之孟父釋魯字述瀾第三重熙中追封隋國王于越年五十七爲子滑哥所弑子滑哥其後卽三父房之仲父德祖第四

德祖六子宣簡皇后蕭氏生五子太祖第一刺葛字率懷第二太祖卽位爲惕隱改迭刺部夷离堇自幽州南竄爲人所殺子賽保卽二父房季父迭刺字雲獨昆第三天顯元年爲中臺省左大相寅底石字阿辛第四重熙間追封許國王太祖遺詔寅底石守大師政事令輔東丹王淳欽皇后遣司徒劃沙殺于路安端字猥隱第五天保初以功王東丹國號明王神冊三年爲惕隱天贊四年爲北院夷离堇與兄刺葛謀亂妻粘睦姑告變太祖誓而免之復叛兵敗見擒杖而釋之子察割弑逆被

誅穆宗赦通謀罪放歸田里蘇字雲獨昆第六神冊五年爲惕隱六年爲南府宰相征勃海國還薨已上並係季父房

太祖四子淳欽皇后蕭氏生二子 倍小字圖欲第一唐明宗賜姓東丹名慕華改賜姓李名贊華神冊元年立爲皇太子天顯元年爲東丹國人皇王建元甘露稱制行事遣左右大相及百官一用漢法太祖崩母后專制讓國于其弟而身自歸東丹唐遣人來招倍浮海奔唐唐人迎以天子儀衛改瑞州爲懷化軍拜懷化軍節度使瑞慎等州觀察使移鎮滑州召入遙領虔州節度使唐主從珂將自焚遣壯士李彥紳害之堯年三十八葬醫巫閭山太宗諡曰文武元皇王世宗諡曰讓國皇帝統和中更諡文獻皇帝重熙二十年增諡文獻欽義皇帝子婁國隆先道隱已下並係橫帳 太宗第二 李胡一名洪古字奚隱第三天顯五年立爲皇太弟統和追諡欽順皇帝重熙二十一年更諡章肅皇帝天顯五年兼天下兵馬大元帥死于囚所年五十葬玉峯山西谷二子宋王喜隱衛王宛宮人蕭氏生一子牙里果字敵鞏第四自晉還始爲惕隱以病薨

太宗五子靖安皇后蕭氏生二子穆宗第一 菴撤葛第二會同元年封太平王世宗詔許與晉王往復以昆弟禮景宗封齊王贈皇太叔諡欽靖穆宗委以國政保寧四年病疽薨宮人蕭氏生二子天德字苾扇第三天祿二年伏誅敵烈字巴速董第四保寧初封翼王歿于陣子哇哥白馬嶺之敗俱歿必攝字箴董第五穆宗封爲越王以疾薨

世宗二子吼阿不第按舊史皇族傳書在第三且云未詳所出景宗本紀云景宗皇帝世宗第二子又舊史本傳云景宗立親祭于墓追冊爲皇太子當時世宗嫡長子也

景宗立追冊爲皇太子諡莊聖早薨號曰太子院景宗第二妃甄氏生一子長沒字和魯董第三景宗封爲寧王保寧八年奪爵統和元年皇太后稱制詔復舊爵

景宗四子睿智皇后蕭氏生三子聖宗第二隆慶字燕隱小字普賢奴第二八歲封恆王統和十年徙王梁國開泰初更王晉國進王秦晉追贈皇太弟初兼侍中統和中拜南京留守開泰初加守太師兼政事令尋拜大元帥賜金券入覲還至北安州浴溫泉疾薨葬醫巫閭山隆祐小字高七一字胡都董第二乾亨初封鄭王統和中徙王吳更王楚開泰中改王齊諡仁孝重熙間改諡孝統和中伐宋留守京師拜西南面招討使及征高麗復留守京師權知北院樞密使出守東京贈守太師開泰元年薨子三人胡都合祿貼不一子不詳所出藥師奴第四早葬王子院

聖宗六子欽哀皇后蕭氏生二子興宗第一重元小字字吉只第二太平三年封秦國王興宗立爲皇太弟賜金券道宗冊爲皇太叔免拜不名復賜金券歷南北院樞密使南京留守知元帥府事道宗拜天下兵馬大元帥聖宗崩欽哀皇后稱制密謀立重元重元以所謀白於上上益重之清寧九年車駕秋獵灤水重元子涅魯古與陳六蕭胡觀等四百餘人謀反軍潰重元奔走大漠歎曰涅魯古使吾至此子涅魯古謀反戰歿一子未詳所出別古特字撒懶第三重熙中封柳城郡王太平七年遙領彰信軍節度爲王子郎君班詳穩重熙中累遷契丹行宮都署討夏軍還薨僕隗氏生二子

吳哥字洪隱第四燕王開泰二年爲惕隱出爲南京留守薨于南京四世孫敵烈木烈繼梁王雅雅
帝狗兒字屠魯昆第五太平元年拜南府宰相暴疾薨姜氏生一子侯古字訛里本第六重熙七年
封饒樂郡王咸雍中徙混同郡王重熙初王子郎君班詳穩後爲上京留守薨于京興宗三子仁懿
皇后蕭氏生三子道宗第一和魯幹字阿鞏第二重熙十七年封越王清寧初徙王魯進王宋魏乾
統三年冊爲皇太叔清寧中拜上京留守改南京乾統初爲天下兵馬大元師加守大師免拜不名
三年爲惕隱加義和仁壽之號復守南京從獵于慶州薨子二人石篤遠淳淳封秦晉王稱帝阿璉
字訛里本第三重熙十七年封許王清寧初徙陳王秦王進封秦越國追封秦魏國王諡欽正清寧
中出爲遼興軍節度使咸雍間歷西京北京留守從車駕秋獵以疾薨

道宗一子宣懿皇后蕭氏生濬小字耶魯幹第一六歲封梁王八歲立爲皇太子諡昭懷太康元年
兼領北南院樞密使年二十爲乙辛誣害囚上京見殺葬玉峯山

天祚六子文妃生一子教魯幹第一出繼大丞相耶律隆運後初封晉王保大二年縊死元妃生一
子雅里字撒鷲第二七歲欲立爲太子別置禁衛封梁王天祚奔夏取推稱帝改元神歷四子未詳
所出撻魯第三燕國王早薨習泥烈第四趙王從天詳至白水濼爲金師所獲定第五秦王至青塚
濼爲金師所獲寧第六許王至青塚濼爲金師所獲

以上並遼史皇子表
宗室續通志宗室傳同。

右皇太子皇子

二十四史通正典卷一百一十一
太祖一女質古下嫁淳欽皇后弟蕭室魯幼爲奧姑契丹故俗凡婚燕之禮推女子之可尊敬者坐於奧謂之奧姑未封而卒

太宗二女呂不古第一應歷間封沂國長公主保寧中進封燕國大長公主下嫁北府宰相蕭思溫以疾薨朝塊第二下嫁北府宰相蕭海瓌應歷初未封卒

世宗三女懷節皇后生和古典第一保寧間封秦國下嫁侍中蕭嘏里長公主以疾薨觀音第二保寧間封晉國長公主下嫁蕭夏刺撒刺第三下嫁蕭幹里未封卒

景宗四女睿聖皇后生三女觀音女封魏國公主進封齊國景福中封燕國大長公主下嫁北府宰相蕭繼先皇后尤加愛賜奴婢萬口重熙中薨長壽女第二封吳國公主統和初進封衛國改封魏國長公主下嫁宰相蕭排神開泰六年薨延壽女第三封越國公主追封趙國下嫁蕭恆德性沉厚睿智皇后於諸女尤愛甚得婦道不以貴寵自驕年二十一以疾薨渤海妃生一女淑哥第四無封號乾亨二年下嫁盧俊與駙馬都尉盧俊不諧表請離婚改適蕭神奴

聖宗十四女貴妃生一女燕哥第一封隨國公主進封秦國興宗封宋國長公主下嫁蕭匹里欽哀皇后生二女巖母董第二開泰七年封魏國公主進封秦國長公主改封秦晉國長公主清寧初加大長公主下嫁蕭嘏不改適蕭海里不諧離之又適蕭胡覩不諧離之乃適韓國王蕭惠契古第三封越國公主進封晉國景福初封晉蜀國長公主清寧初加大長公主下嫁蕭孝忠姿質秀麗禮法

自將以疾薨蕭氏生二女蕭氏國舅夷高畢房之女崔八第四封南陽郡主進封公主下嫁蕭孝先
太平末東京大延琳反遇害蕭氏生二女陶哥第五封長寧郡主進封公主下嫁蕭楊六錮匪第六
封平原郡主進封荆國公主下嫁蕭雙古馬氏生一女九哥第七封潯陽郡主進封公主下嫁蕭連
大氏生一女長壽第八封臨海郡主進封馬都尉大力秋坐大延琳事伏誅改

適蕭慥古白氏生四女八哥第九封同昌郡主

王下嫁劉三蝦十哥第十封三河郡主進封

公主下嫁奚王蕭高九孽失第十一封仁壽縣主進封公主下嫁劉四端泰哥第十二下嫁蕭忽烈
李氏生一女賽哥第十三封金鄉郡主進封公主統和中下嫁蕭圖玉以殺奴婢得罪薨于貶所又
氏生一女興哥第十四下嫁蕭王六

興宗二女仁懿皇后生二女跋芹第一封魏國公主重熙末徙封晉國加長公主下嫁蕭撒八與駙
馬都尉蕭撒八不諧離之清寧初改適蕭何速以婦道不修徙中京又嫁蕭窩匿幹里太第二封鄭
國公主清寧間加長公主焉隆間加大長公主下嫁蕭余里也

道宗三女宣懿皇后生三女撒葛只第一封鄭國公主咸和中徙封魏國下嫁蕭末端麗有智太康
初薨紕里第二封齊國公主進封趙國下嫁蕭撻不也駙馬都尉撻不也坐昭懷太子事被害其弟
訛都幹欲逼尙公主公主以訛都幹黨乙辛惡之未幾訛都幹以事伏誅天祚幼乙辛用事公主每
以匡救爲心竟誅乙辛特里第三封越國公主乾統初進封秦晉國大長公主下嫁蕭酬幹公主從

天祚出奔明年攻應州留公主守輜重金人圍之公主奔行在所天祚潛遁爲金人所獲太康八年以駙馬都尉蕭嗣幹得罪離之大安初改適蕭特末爲都統與金人戰敗于石鞏鐸被擒昭懷太子一女延壽封楚國公主徙封許國乾統元年進封趙國加秦晉國長公主下嫁蕭韓家奴幼遭乙辛之難與兄天祚俱養于蕭懷忠家後李氏進挾殺歌文帝感悟召還宮天祚六女文妃生一女余里衍封蜀國公主爲金人所獲元妃生三女俱爲金人所獲宮人生二女俱爲金人所獲

以上並遼史公主表外戚表續通志公主附傳同

右公主

肅祖昭烈皇帝族系一世五院夷高董房治脊四世五院夷高董敵魯古五世北院大王圖魯竊一世六院郎君房葛刺九世侍中陳家奴不知世次太子太傅棠古

懿祖莊敬皇帝族系一世六院夷高董房帖刺二世于越轄底三世迭里特一世六院部舍利房褒古直不知世次北院夷高董斜涅赤五世政事令撻烈 又北院大王曷魯 又南院大王吾也

八世姪右皮室詳穩老古 大王頡德一世簡獻皇帝兄匣馬葛二世遙擊可汗時本部夷高董偶思三世阿魯敦于越喝魯四世惕刺撒刺五世太師斜軫六世小將軍狗兒

玄祖簡獻皇帝族系一世橫帳孟父房巖术楚國王二世迭刺部夷高董胡古只三世捕撻馬拔沙里神速二世迭刺部夷高董末二世迭刺部夷高董楚不魯二世北院樞密使安搏二世左皮室詳

穩撒給 孟父房不知世次惕隱朔古五世子越屋質六世党項節度使唐古八世節度劉家奴九世昭德節度孟簡 孟父房楚國王之後不知世次匡義節度大悲奴惕隱阿魯掃古滌冽撒刺竹漆水郡王頽昱北院宣徽使敵祿右皮室詳穩奚低南院大王善補侍中化哥于越弘古北院宣徽使馬六南京宣徽使奴古達燕王魂引于越仁先惕隱許王義先南面林牙信先一世仲父房隨國王釋魯二世滑哥三世痕只三世于越洼五世惕隱學古又東路統軍使烏古不又國留又昭德節度資忠昭三世于越休哥二世于越高十五世匡義節度馬哥三世仲父房不知世次北院大王的祿北面林牙麟留定武節度仙童西北招討使搭不也大同節度觀音太祖從姪不知所出于越魯不古西平郡王賢適

德祖宣簡皇帝族系一世季父房夷萬董利葛二世賽保二世中京留守拔里一世左大丞相迭刺三世鎮國節度合住一世許國王寅底石三世中書令阿烈八世混同郡王幹特刺二世劉哥益哥化葛里奚蹇一世明王安端二世察割一世南府宰相蘇三世尙父奴瓜五世北院樞密使頗的六世北院樞密使霞抹五世五世惕隱蒲古六世鐵驪一世鐸穩四世太斯豁里斯五世惕隱燕哥季父房不知世次平章的烈中京路案問使和尙林牙高家漆水郡王撻不也南府宰相釋魯幹烏古部節度使普古北面大王特麼先鋒都監張奴檢校太師吳九林牙庶成都林牙庶箴穩古只耶太祖天皇帝族系一世讓國文獻皇帝倍二世平王隆先三世陳哥二世晉王道隱 婁國一世章

肅皇帝李胡二世宋王喜隱三世留禮壽二世衛王宛一世惕隱牙里果二世南府宰相敵烈室
魯 北院大王奚底

太宗孝武慈文皇帝族系一世冀王敵烈二世蛙哥

景宗孝成康靖皇帝族系一世皇太弟隆慶二世魏國王查葛 陳王謝家奴 遼西郡王驢糞

漆水郡王蘇撒三世祇候郎君羅漢奴一世齊國王隆祐二世周王胡都古 魏王合祿

聖宗文武大孝宣皇帝族系一世重元二世涅魯古一世燕王吳哥五世敵烈 述烈稱帝

興宗神聖孝章皇帝族系一世皇太叔和魯幹二世漆水郡王石篤 匡義節度遠 秦晉國王清

稱帝 以上並遼史皇族表宗室
列傳 續通志宗室傳同

右皇族

二十四史九通政典類要合編卷二百十八

遼二

禮上

吉禮

祭山儀

拜日月

祭風伯

祭山川

祈雨

祚晴

祭先聖先師

雜祠

宗廟

原廟

凶禮

柴冊儀

謁廟儀

告廟儀

時享薦新

拜陵

藝節

拜歲除

功臣配享

喪葬禮

上謚冊

忌辰

軍禮

出使致祭

閱兵

田獵

射禮

賓禮

常朝起居儀

正座儀

臣僚接見儀

問聖體儀

車駕還京

勅箭

宋使見皇太

后

宋使見皇帝

曲宴宋使

賀生辰

西夏使

人朝見

遼不建郊丘而以祭山為大禮其儀設天神地祇位於木葉山有樹木懸牲告辦班位奠祝致嘏飲

福諸禮

續通志 案一統志木葉山在克什吉禮克騰旗北

祭山儀設天神地祇位于木葉山東鄉中立君樹前植羣樹以像朝班又偶植二樹以為神門皇帝

皇后至夷离畢具禮儀牲用赭白馬玄牛赤白羊皆牡僕臣曰旗鼓拽刺殺牲體割懸之君樹太巫

以酒酌牲禮官曰敵烈麻都奏儀辦皇帝服金文冠白綾袍絳帶懸魚三山絳垂飾犀玉刀錯絡

縫烏靴皇后御絳帔絡縫紅袍懸玉佩雙結帕絡縫烏靴皇帝皇后御鞍馬羣臣在南命婦在北服

從各部旗幟之色以從皇帝皇后至君樹前下馬升南壇御榻坐羣臣命婦分班以次入就位合班

拜訖復位皇帝皇后詣天神地祇位致奠闕門使讀祝訖復位坐北府宰相及惕隱以次致奠于君
樹偏及羣樹樂作羣臣命婦退皇帝率孟父仲父季父之族三匝神門樹餘族七匝皇帝皇后再拜
在位者皆再拜上香再拜如初皇帝皇后升壇御龍文方茵坐再聲警詣祭東所羣臣命婦從班列
如初巫衣白衣惕隱以素巾拜而冠之巫三致辭每致辭皇帝皇后一拜在位者皆一拜皇帝皇后
各舉酒二酌肉二器再奠大臣命婦右持酒左持肉各一器少後立一奠命惕隱東向擲之皇帝皇
后六拜在位者皆六拜皇帝皇后復位坐命中丞奉茶果餅餌各二器奠于天神地祇位執事即君
二十人持福酒胙肉詣皇帝皇后前太巫奠爵訖皇帝皇后再拜在位者皆再拜皇帝皇后一拜飲
福受胙復位坐在位者以次飲皇帝皇后率羣臣復班位再拜聲蹕一拜退

太祖幸幽州大悲閣邊白衣觀音像建廟木葉山尊爲家神於拜山儀過樹之後增詣菩薩堂儀
一節然後拜神非胡刺可汗之故也興宗先有事于菩薩堂及木葉山遼河神然後行拜山儀冠
服飾文多所變更後因以爲常神主樹木懸牲告辦班位奠祝致嘏飲福往往暗合于禮天理人
情放諸四海而準信矣夫興宗更制不能正以經術無以大過於昔故不載

遼史
禮志

右祭山儀

拜日儀皇帝升露臺設褥向日再拜上香門使通闕使或副應拜臣僚殿左右階陪位再拜皇帝昇
坐奏勝訖北班起居畢時相已下通名再拜不出班奏聖躬萬福又再拜各祇候宣徽已下橫班同

諸司閣門北面先奏事餘同教坊與臣僚同

遼史 禮通志 吉禮同

遼太祖天贊三年九月拜日於蹕林穆宗應歷二年日南至始用舊制行拜日禮聖宗統和元年十

二月午齡節拜日月

按遼史拜日儀皇帝升露臺設禱向日再拜上香應拜臣僚殿左右階陪位再拜皇帝升座奏勝訖時相以下通名再拜奏聖躬萬福又再拜 續通典禮典

右拜日月

遼聖宗統和二年四月辛卯祭風伯道宗清寧元年皇帝射柳訖詣風師壇再拜

續通典 禮通志 禮典 吉禮同

右祭風伯

遼尊木葉山爲鎮歲時臨幸致祭兼及遼河之神國俗每歲冬至屠白羊白馬白鷹各取血和酒天

子望黑山

黑山在境北猶中國之岱宗云每歲是日五京進紙造人馬萬餘事祭山而焚之

太祖天贊三年八月登阿勒坦音德爾山以鹿

鹿祭穆宗應歷十二年六月祀木葉山及潢河十四年七月以酒脯祀黑山聖宗統和七年二月遣

巫覡祭名山大川十三年詔修山澤祠宇以時祀之

續通典 禮通志 禮典 吉禮同

右祭山川

遼制歲旱行色克色哩禮儀以祈雨前期置百柱天棚及期皇帝致奠於先帝御容乃射柳皇帝再

射親王宰執以次各一射中柳者質誌柳者冠服

誌柳者植柳爲記之人蓋擇親王或宰執爲之質謂質當也取誌柳者之冠服爲質 不中者

以冠服質之

質於誌柳者

不勝者進飲於勝者然後各歸其冠服又翼日植柳天棚之東南巫以酒醴黍

以薦植柳祝之皇帝皇后祭東方畢子弟射柳皇族國舅羣臣與禮者賜物有差既三日雨則賜多

羅倫穆騰四匹衣四襲否則以水沃之穆宗應歷十二年五月以旱命左右以水相沃頃之果雨禮志 續通典禮典續通志吉禮 同 色克色哩禮儀原作瑟瑟儀

右祈雨

遼太祖神冊四年十月丙午次烏爾呼部天大風雪因禱於天俄頃而霽續通志 吉禮

右祈晴

遼太祖神冊三年詔建孔子廟四年秋八月謁孔子廟道宗清寧六年六月中京置國子監命以時

祭先聖先師並見學 續通志 校門 吉禮

右祭先聖先師

遼太宗天顯三年四月祭黑鹿神景宗保寧三年十月以黑白羊祀神七年五月祭神姑聖宗統和

十六年五月祭白馬神 續通典禮典 續 通志 吉禮 同

右雜祠

遼諸帝各有廟聖宗開泰八年建景宗廟於中京九年十二月詔中京建太祖廟制度祭器從古制
興宗重熙二十一年七月追尊太祖之祖為簡獻皇帝廟號玄祖太祖之考為宣簡皇帝廟號德祖
天祚帝乾統三年十一月追尊太祖之高祖為昭烈皇帝廟號肅祖太祖之曾祖為莊敬皇帝廟號

懿祖續通典禮典

右宗廟

遼諸帝各有原廟如疑神殿之類聖宗統和十三年春安景宗及太后石像於延芳淀十四年又奉安於乾州開泰元年奉遷南京諸帝石像於中京觀德殿景宗及宣獻皇后於上京五鸞殿

續通志 禮典 吉禮同

右原廟

柴冊儀擇吉日前期置柴冊殿及壇壇之制厚積薪以木爲三級壇置其上席百尺瓊龍文方茵又置再生母后搜索之室皇帝入再生室行再生儀畢八部之叟前導後扈左右扶翼皇帝冊殿之東北隅拜日畢乘馬遊外城之老者御皇帝疾馳仆御者從者以瓊覆之皇帝詣高阜地大臣諸部帥列儀仗遙望以拜皇帝遣使勅曰先帝升遐有伯叔父兄在當選賢者冲人不德何以爲謀羣臣對曰臣等以先帝厚恩陛下明德威願盡心敢有他圖皇帝令曰必從汝等所願我將信明賞罰爾有功陟而任之爾有罪黜而棄之若聽朕命則當讓之僉曰唯帝命是從皇帝于所識之地封土石以誌之遂行拜先帝御容宴羣羣臣翼日皇帝出冊殿護衛太保扶翼升壇奉七廟神主置龍文方茵北南府宰相率羣臣圍立各舉瓊邊贊祝訖樞密使奉玉寶玉冊入有司讀冊訖樞密使稱尊號以進羣臣三稱萬歲皆拜宰相北南院大王諸部帥進赭白羊各一羣皇帝更衣拜諸帝御容遂宴羣臣賜賚各有差

遼史禮志 按清寧四年十月戎主一行起難輅旬往西北馬二百七十餘里地名永興甸行柴冊之禮詳見王易燕北錄

右柴冊儀

謁廟儀至日昧爽南北臣僚各具朝服赴廟車駕至臣僚於門外依位序立望駕鞠躬班首不出班
奏聖躬萬福舍人贊各祇候畢皇帝降車分引南北臣僚左右八至丹墀稱位合班定皇帝升露臺
稱位宣徽贊皇帝再拜殿上下臣僚陪位皆再拜上香畢退復位再拜分引臣僚左右上殿位立進
御容酒依常禮若即退再拜舍人贊好去引退禮畢

遼史禮志

右謁廟儀

告廟儀至日臣僚昧爽朝服詣太祖廟次引臣僚合班先見御容再拜畢引班首左上至稱位再拜
贊上香楫欄內上香畢復稱位再拜各祇候立定左右舉告廟祝版於御容前跪捧中書舍人俛跪
讀訖俛興退引班首左下復位又再拜分引上殿次第進酒二分班引出

遼史禮志

右告廟儀

遼告廟謁廟皆曰拜容以先帝先后生辰及忌辰行禮自太宗始也其後正旦皇帝生辰諸節辰皆
行之若忌辰及車駕行幸亦嘗遣使行禮凡色克色哩柴冊再生納后則親行之凡柴冊親征則告

幸諸京則謁四時有薦新

遼史禮志續通志古禮同

遼太宗天顯元年十一月壬戌即皇帝位癸亥謁太祖廟嗣後每歲有事於太廟或薦新或告謁必
親享焉遼穆宗景宗聖宗皆遵行勿替道宗清寧元年十二月壬申有事於太宗穆宗廟戊寅冬至
有事於太祖景宗興宗廟不受羣臣賀

續通典禮典

右時享薦新

遂制孟冬朔拜陵有司設酒饌於山陵皇帝皇后駕至多囉倫穆騰奏儀辨闈門使贊皇帝皇后詣位四拜訖巫贊祝燔胙及時服醑酒薦牲大臣命婦以次燔胙四拜皇帝皇后率羣臣命婦巡諸陵各三匝還宮

按禮史帝紀諸帝皆常舉親謁之禮不必盡在孟冬而與太后借謁惟聖宗統和元年舉行者二其他雖無借謁之文今據禮志酌載儀注其與本紀不符者謹附識於此

禮史禮志續通典禮典禮通志吉禮同

右拜陵

燕節儀皇帝卽位凡征伐叛國俘掠人民或臣下進獻人口或犯罪沒官戶皇帝親覽闈田建州縣以居之設官治其事及帝崩所置人戶府庫錢粟穹廬中置小壇殿帝及后妃皆鑄金像納焉節辰忌日朔望皆致祭于穹廬之前又築工爲臺高丈餘置大盤于上祭酒食撒於其中焚之國俗謂之

燕節

禮史禮志

右燕節

歲除儀初夕勅使及夷离畢率執事郎君至殿前以鹽及羊膏置爐中燎之巫及大巫以次贊祝火神訖闈門使贊皇帝面火再拜

初皇帝皆親拜至道宗始命夷离畢拜之

禮史禮志

右拜歲除

遼興宗重熙二十一年八月太尉烏哲堯詔配享聖宗廟

續通典禮典
通志古禮同

續

右功臣配享 以上吉禮

遼喪儀先帝小殮前一日皇帝喪服上香奠酒哭臨其夜北院樞密使契丹行宮都部署入小殮翼日遣北院樞密副使林牙以所購器服置之幽宮行葬禮聖宗崩興宗哭臨于敢塗殿大行之夕四鼓終帝率羣臣入柩前三致奠奉柩出殿之西北門就輻輳車藉以素裯巫者祓除之詰旦發引至葬所凡五致奠大巫祈禳皇族外戚大臣諸京官以次致祭乃以衣弓矢鞍勒圖畫馬駝儀衛等物皆燔之葬畢上哀冊皇帝御幄命改火面火致奠三拜又東向再拜天地訖乘馬率送葬者過神門之木乃下東向又再拜翼日詰早率羣臣命婦詣山陵行初奠禮升御容殿受遺賜又翼日再奠如初道宗崩有司重喪服天祚帝問禮於總知翰林院事耶律固始服斬衰皇族外戚使相阿敦官及郎君服如之餘及承應人皆白梟衣巾以入哭臨特哩袞三父房南府宰相要尼祥袞九奚首郎君伊勒希巴國舅祥袞十扎薩克郎君南院大王郎君各以次薦奠進鞍馬衣襲犀玉帶等物表列其數讀訖焚表諸國所購器服親王諸京留守奠祭進購物亦如之靈柩至葬所降車就轝皇帝免喪服步引至長福岡是夕皇帝入陵寢授遺物皇族外戚及諸大臣乃出命以先帝寢幄過於陵前神門之木帝不親往遣近侍冠服赴之初奠皇帝皇后率皇族外戚使相節度使夫人以上命婦皆拜三匝而降再奠如初辭陵而還

遼史禮志
通志凶禮同

續

右喪葬禮

上謚冊儀先一日於敢塗殿西廊設御幄并臣僚幕次大樂令展宮懸於殿庭協律郎設舉麾位至日北南面臣僚朝服昧爽赴敢塗殿先置冊寶案于西廊下閣使引皇帝至御幄服寬衣皂帶臣僚班齊分班引入饗殿台班立定引冊案上殿至褥位寶案次之設於西階閣使引皇帝自西階升殿初行樂作至位立樂止宣徽使揖皇帝鞠躬再拜陪位者皆再拜翰林使執臺瑾以進皇帝再拜引至神座前跪奠三樂作進奠訖復位樂止又再拜陪位者皆再拜引皇帝于神座前北面立捧冊函者去蓋進前跪冊案退置殿西壁下引讀冊者進前俯伏跪自通全銜臣讀謚冊讀訖俯伏興復位捧冊函者置于案上捧寶函者進前跪讀寶官通銜跪讀訖引皇帝至褥位再拜陪位者皆再拜禮畢引皇帝歸御幄初行樂作至御幄樂止引臣僚分班出若皇太后奠酒依常儀

禮志

右土謚冊

忌辰儀先一日奏忌辰榜子預寫名紙大紙一幅用陰面後第三行書文武百僚宰臣某以下謹詣西上閣門進名奉慰至日應拜大小臣僚並皂衣皂鞵帶四鼓至時於幕次前在京於僧寺班齊依位望闕敘立直日舍人跪右執名紙在前班首以下皆再拜引退名紙於宣徽使面付內侍奏聞

禮志

右忌辰 以上凶禮

遼將出師先告廟乃立三神主祭之曰先帝曰道路曰軍旅刑青牛白馬以祭天地其祭常依獨樹

無獨樹即所舍而行之皇帝服介冑祭諸先帝宮廟乃閱兵將行牝牡麋各一爲禴祭將臨敵結馬尾祈拜天地而後入下城克敵祭天地以黑白羊班師以所獲牡馬牛各一祭天地景宗乾亨二年

十月將南伐祭旗鼓

遼史禮志續通志軍禮同

右出師致祭

遼太宗天顯四年以雲中郡縣未下大閱六軍會同三年五月戊子閱騎兵於南郊六月丙申閱步卒於南郊七年南伐次古北口閱諸道兵於溫榆河

續通志軍禮

右閱兵

遼國盡有大漠包長城之境因宜爲治秋冬違寒春夏避暑隨水草就漁畝以爲常行在之所謂之捺鉢春曰鴨子河深正月上旬起牙帳約六十日方至天鵝未至卓帳冰上鑿冰取魚冰泮乃縱鷹鷂捕鵝鴈皇帝每至侍御皆服墨綠色衣各備連鎚一柄鷹食一器刺鵝雛一枚於深周圍排立皇帝冠巾時服繫玉束帶於上風望之有鵝之處舉旗探騎馳報遠泊鳴鼓鵝驚騰起左右圍騎皆舉幟麾之五坊拜授海東青鵝皇帝放之鵝擒鵝墜勢力不加排立近者舉錐刺鵝取腦以飼鵝皇帝得頭鵝薦廟羣臣各獻酒果舉樂更相酬酢致賀弋獵網釣春盡乃還夏捺鉢無常所多在圖爾山四月中旬起牙帳卜吉地爲納涼所五月末旬六月上旬至與北南臣僚議國事暇則遊獵七月中旬乃去秋捺鉢曰伏虎林七月中旬自納涼處起牙帳入山射鹿皇族而下分布深水側伺夜將半

鹿飲鹽水令獵人吹角效鹿鳴既集而射之謂之舐齧鹿又名呼鹿冬採鉢曰廣平淀其地稍暖牙帳於此坐冬時出校獵講武穆宗應歷元年臘獵前期一日詔司獵官選獵地其日皇帝皇后焚香拜日畢設圍命獵夫張左右翼司獵官奏成列皇帝皇后升輦多囉倫穆騰以酒二尊盤殮奉進北南大王以下進馬及衣皇帝降輿祭東畢乘馬入圍中皇太子親王率羣臣進酒分兩翼而行皇帝始獲兔羣臣進酒上壽各賜以酒中食之次親王大臣各進所獲及酒訖賜羣臣飲還宮自是遂爲常儀聖宗統和中罷之

遼史營衛志禮志續通志軍禮同

右田獵

遼俗以重五中元重九行拜天射柳擊毬之戲金因之凡重五日拜天禮畢插柳毬場爲兩行當射者以尊卑序各以帕識其枝去地約數寸削其皮而白之先以一人馳馬前導後馳馬以無羽橫鏃箭射之既斷柳又以手接而馳去者爲上斷而不能接者次之或斷其青處及中而不能斷與不能中者爲負每射必伐鼓以助其氣

續通志軍禮

右射禮 以下軍禮

常朝起居儀昧爽臣僚朝服入朝各依幕次內侍奏班齊先引京官班於三門外當直舍人放起居再拜各祇候次兩府以下文武官於丹墀內面殿立豎班諸司并供奉官於東西道外相向立定當直閣使副贊放起居再拜各祇候退還幕次公服帝升殿坐兩府并京官丹墀內聲喏各祇候教坊

司回北班起居畢奏事

燕京嘉寧殿西京同文殿朝服幘頭袍笏公服紫衫帽

遼史禮志

右常朝起居儀

正座儀皇帝升殿坐警聲絕契丹漢人殿前班畢各依位侍立次教坊班畢捲退京官班入拜畢揖於右橫街西依位班立次武班入拜畢依位立文班入拜畢依位立北班入起居畢於左橫街東序班立次兩府班入鞠躬通宰臣某官已下起居拜畢引上殿奏事

已上六班起居並七拜內有不帶節度使班首止通名亦七拜捲班與常朝同直院有旨入文班留守司三司統軍司制置司謂之京官都部署司官使副宮使都承以下令史北面主事以下隨駕諸司爲武官館閣大理寺堂後以下御史臺隨駕開員令史司天臺翰林醫官院爲文官

天慶二年冬教坊並服袍

遼史禮志

右正座儀

臣僚接見儀皇帝御座奏見膀子畢臣僚左入鞠躬通文武百僚宰臣某官以下祇候見引面殿鞠躬起居凡七拜引班首出班謝面天顏復位舞蹈五拜鞠躬宣荅問制再拜宣訖謝宣諭五拜各祇候畢可矮敦以上引近前問聖躬萬福傳宣問跋涉不易鞠躬引班舍人贊各祇候畢引右上準備宣問其餘臣僚並於右侍立

宣荅云卿等久居鄉邑來奉乘輿時屬霜寒或云炎蒸諒多勞止卿各平安好想宜知悉

禮志

右臣僚接見儀

問聖體儀皇帝行幸車駕至捺鉢坐御帳臣僚公服問聖躬萬福贊再拜各祇候奏事宣徽以下常服教坊與臣僚同

保大元年夏特旨通名再拜不稱宰臣

禮志

右問聖體儀

車駕還京儀前期一日宣徽以下橫班諸司閣門並公服於宿帳祇候至日詰旦皇帝乘玉輅閣門官諭軍民訖導駕時相以下進至內門閣副勸前畢通事舍人鞠躬奏臣宣放仗禮畢

禮志

右車駕還京

勸箭儀皇帝乘玉輅至內門北南臣僚於輅前對班立場箭官執雌箭門中立東上閣門使詣車前執雄箭在車左立勾勸箭官進勸箭官揖進至車約五部面車立閣使言受箭行勸箭官拜跪受箭舉手勸訖鞠躬奏內外勸同閣使言准勸行勸勸箭官平立退至門中舊位立當曾執箭贊軍將門仗官近前門使官應聲開門舉聲兩邊齊出並列左右立勸箭官舉右手贊呈箭次贊內出喚仗御箭一隻准勸付左金吾仗行勸贊合不合應合合贊同不同應同同訖勸箭官再進依位立鞠躬自通全衛臣某對御勸箭同退門中立贊其箭謹付閣門使進入事畢其箭授閣使轉付宣徽

右勅箭

宋使見皇太后儀未使賀生辰正旦至日臣僚昧爽入朝使者至幕次臣僚班齊皇太后御殿坐宣徽使押殿前班起居畢捲班次契丹臣僚班起居畢引應坐臣僚上殿就位立其餘臣僚不應坐者退於東面侍立漢人臣僚東洞門入面西鞠躬舍人鞠躬通某以下起居凡七拜畢贊各祇候引應坐臣僚上殿就位立中書令大王西階上殿奏宋使并從人膀子訖就位立其餘臣僚不應坐者退於西面侍立次引宋使副六人於東洞門入丹墀內面殿齊立閣使自東階下受書匣使人捧書匣者皆跪閣使搢笏立受書匣自東階上殿欄內鞠躬奏封全訖授樞密開封宰臣對皇太后讀訖引使副六人東階上殿欄內立使者揖生辰節大使少前使者俛伏跪附起居訖起復位立次引賀皇太后正旦大使附起居如前儀皇太后宣問南朝皇帝聖躬萬福舍人揖生辰大使并皇太后正旦大使少前皆跪唯生辰大使奏來時聖躬萬福皆俛伏興引東階下殿丹墀內面殿齊立引進使引禮物於西洞門入殿前置擔牀控鶴官起居四拜擔牀於東便門出畢揖使副退於東方西面皆鞠躬舍人鞠躬通南朝國信使某官某以下祇候見舞蹈五拜畢不出班奏聖躬萬福再拜揖班首出班謝面天顏訖復位舞蹈五拜畢贊各上殿祇候引各使副西階上殿就位勾從人西洞門入面殿鞠躬通名贊拜起居四拜畢贊各祇候分班引西洞門出若宣問使副跋涉不易引而階下殿丹墀

內舞蹈五拜畢贊各上殿祇候引西階上殿就位立契丹舍人漢人閣使齊贊拜應坐臣僚并使副皆拜稱萬歲贊各就坐行湯行茶供過人出殿門揖臣僚并使副起鞠躬契丹舍人漢人閣使齊贊皆拜稱萬歲贊各祇候先引宋使副西階下殿西洞門出次揖臣僚出畢報閣門無事皇太后起

禮志

右宋使見皇太后

宋使見皇帝儀宋使賀生辰正旦至日臣僚肅爽入朝使者至幕次奏班齊聲警皇帝升殿坐宣徽使押殿前班起居畢捲班出契丹臣僚班起居畢引應坐臣僚上殿就位立其餘臣僚不應坐者並退於北面侍立次引漢人臣僚北洞門入面殿鞠躬舍人鞠躬通某官某以下起居皆七拜畢引應坐臣僚上殿就位立引首相南階上殿奏宋使并從人膀子就位立臣僚並退於南面侍立教坊人起居畢引南使副北洞門入丹墀內面殿立閣使北階下殿受書匣使人捧書匣者跪閣使指笏立受於北階上殿欄內鞠躬奏封全訖授樞密開封宰相對皇帝讀訖舍人引使副北階上殿欄內立揖生辰大使少前俛伏跪附起居俛伏興復位立大使俛伏跪奏訖俛伏興退引北階下殿揖使副北方南面鞠躬舍人鞠躬通南朝國信使某官某以下祇候見起居七拜畢揖班首出班謝面天顏舞蹈五拜畢出班謝遠接御筵撫問湯藥舞蹈五拜畢贊各祇候引出歸幕次閣使傳宣賜對衣金帶勾從人以下入見舍人贊班首姓各以下再拜不出班奏聖躬萬福贊再拜稱萬歲贊各祇候引

出舍人傳宣賜衣使副并從人服賜衣畢舍人引使副入丹墀內面殿鞠躬舍人贊謝恩拜舞蹈五拜畢贊上殿祇候引使副南階上殿就位立勾從人入贊謝恩拜稱萬歲贊有助賜宴再拜稱萬歲贊各祇候承受官引北廊下立御牀入大臣進酒皇帝飲酒契丹舍人漢人閣使齊贊拜應坐并侍立臣僚皆拜稱萬歲贊各祇候卒飲贊拜應坐臣僚皆拜稱萬歲贊各就坐行酒親王使相使副其樂曲若宣令飲盡竝起立飲訖放瓊就位謝贊拜竝隨拜稱萬歲贊各就坐次行方茵地坐臣僚等官酒若宣令飲盡贊謝如初殿上酒一行畢贊廊下從人拜稱萬歲贊各就坐若傳宣令飲盡竝拜稱萬歲贊各就坐殿上酒三行行茶行殺行膳酒五行候曲終揖廊下從人起贊拜稱萬歲贊各祇候引出曲破臣僚并使副竝起鞠躬贊拜應坐臣僚并使副皆拜稱萬歲贊各祇候引使副南階下殿丹墀內舞蹈五拜畢贊各祇候引出次引眾臣僚下殿出畢報閣門無事皇帝起登蹕

遼史禮志

右宋使見皇帝

曲宴宋使儀味爽臣僚入朝宋使至幕次皇帝升殿殿前教坊契丹文武班皆如初見之儀宋使副綴翰林學士班東洞門入面西鞠躬舍人鞠躬通文武百僚臣某以下起居七拜謝宣召赴宴致詞訖舞蹈五拜畢贊各上殿祇候舍人引大臣使相臣僚使副及方茵朵殿應坐臣僚竝於西階上殿就位立其餘不應坐臣僚竝於西洞門出勾從人入起居謝賜宴兩廊立如初見之儀二人監瓊教坊再拜贊各上殿祇候御牀入大臣進酒舍人問使贊拜行酒皆如初見之儀次行方茵朵殿臣僚

酒傳宣飲盡如常儀殿上酒一行畢兩廊從人行酒如初殿上行餅茶畢教坊致語揖臣僚使副并廊下從人皆起立候口號絕揖臣僚等皆鞠躬贊拜殿上應坐并侍立臣僚皆拜稱萬歲贊各就坐次贊廊下從人拜亦如之歌宴揖臣僚起立御牀出皇帝起入閣引臣僚東西階下殿還幕次內賜花承受官引從人出賜花亦如之簪花畢引從人復兩廊位立次引臣僚使副兩洞門入復殿上位立皇帝出閣復坐御牀入揖應坐臣僚使副及侍立臣僚鞠躬贊拜稱萬歲贊各就坐贊兩廊從人亦如之行單茶行酒行膳行果殿上酒九行使相樂曲聲絕揖兩廊從人起贊拜稱萬歲贊各好去承受引出曲破殿上臣僚使副皆起立贊拜稱萬歲贊各祇候引臣僚使副東西階下殿契丹班謝宴出漢人并使副班謝宴舞蹈五拜畢贊各好去引出畢報閣門無事皇帝起

逸史禮志

右曲宴宋使

賀生辰正旦宋使朝辭皇帝儀臣僚入朝如常儀宋使至幕次於外賜從人衣物皇帝升殿宣徽契丹文武班起居上殿如曲宴儀中書令奏宋使副并從人朝辭勝子畢臣僚竝於南面侍立教坊起居畢舍人引使副六人北洞門入丹墀北方面南鞠躬舍人鞠躬通南朝國信使某官某以下祇候辭再拜起居戀闕如辭皇太后儀贊各祇候平身立揖使副鞠躬宣徽贊有勅使副再拜鞠躬平身立宣徽使贊各賜卿對衣金帶正段弓箭鞍馬等想宜知悉使副平身立揖大使三人少前俛伏跪指笏閣門使授別錄賜物過畢俛起復位立揖副使三人受賜亦如之贊謝恩舞蹈五拜贊上殿祇

候舍人引使副南階上殿就位立引從人贊謝恩再拜起居再拜贊賜宴再拜皆稱萬歲贊各祇候承受引兩廊立御牀入皇帝飲酒舍人閤使贊臣僚使副拜稱萬歲皆如曲宴應坐臣僚拜稱萬歲就坐行酒樂曲方茵兩廊皆如之行殺行茶行膳亦如之行饅首畢從人起如登位使之儀曲破臣僚使副皆起立拜稱萬歲如辭太后之儀使副下殿舞蹈五拜贊各上殿祇候引北階上殿欄內立揖生辰正旦大使二人少前齊跪受書畢起立揖磬折受起居畢退引北階下殿丹墀內並鞠躬舍人贊各好去引南洞門出次引殿上臣僚南北洞門出畢報閤門無事

禮志

右賀生正旦宋使朝辭皇帝

賀生辰正旦宋使朝辭太后儀臣僚使副班齊如曲宴儀皇太后升殿坐殿前契丹文武起居上殿畢宰臣奏宋使副從人朝辭膀子畢就位立舍人引使副北洞門入面南鞠躬舍人鞠躬通南朝國信使某官某以下祇候辭再拜不出班奏聖躬萬福再拜出班戀闕致詞訖又再拜贊各上殿祇候舍人引南階上殿就位立引從人贊姓名再拜奏聖躬萬福再拜稱萬歲贊各好去引出殿上揖應坐臣僚并使副就位鞠躬贊拜稱萬歲贊各就坐行湯行茶畢揖臣僚并南使起立與應坐臣僚鞠躬贊拜稱萬歲贊各祇候立引使副六人於欄內拜跪受書匣畢直起立揖少前鞠躬受傳答語訖退於北階下殿丹墀內面殿鞠躬舍人贊各好去引出臣僚出

禮志

右宋使朝辭太后

遼制高麗使人入見臣僚常服起居應上殿臣僚殿上序立閣門奏膀子引高麗使副面殿立引上露臺拜跪附奏起居訖拜起立閣門傳宣王詢安否使副皆跪大使奏臣等來時詢安引下殿面殿立進奉物入列置殿前控鶴官起居畢引進使鞠躬通高麗國王詢進奉宣徽使殿上贊進奉赴庫馬出檐牀出畢引使副邊面西鞠躬舍人鞠躬通高麗國謝恩進奉使某官某以下祇候見舞蹈五拜不出班奏聖躬萬福再拜出班謝面天顏五拜出班謝遠接湯藥五拜贊各祇候使副私獻入列置殿前控鶴官起居引進使鞠躬進高麗國謝恩進奉使某官某以下進奉宣徽使殿上贊如初引使副西階上殿序立皇帝不入御牀臣僚伴酒契丹舍人通漢人閣使贊再拜稱萬歲各就坐酒三行殺膳二味若宣令飲盡就位拜稱萬歲贊各就坐殺膳不贊起再拜稱萬歲引下殿舞蹈五拜贊各祇候引出於幕次內別差使臣伴宴起宣賜衣物訖遙謝五拜畢歸館其曲宴高麗使儀臣僚入朝班齊皇帝升殿宣徽教坊控鶴文武班起居皆如常儀謝宣宴贊各上殿祇候契丹臣僚謝宣宴引高麗使入面南鞠躬舍人鞠躬通高麗國謝恩進奉使某官某以下起居謝宣宴共十二拜贊各上殿祇候臣僚使副就位立大臣進酒契丹舍人通漢人閣使贊上殿臣僚皆拜贊各祇候進酒大臣復位立贊應坐臣僚拜贊各就坐行酒若宣令飲盡贊再拜贊各就坐教坊致語臣僚皆起立口號絕贊再拜贊各就坐凡拜皆稱萬歲曲破臣僚起下殿契丹臣僚謝宴中書令以下謝宴畢引使同謝七拜贊各好去控鶴官門外祇候報閣門無事供奉官捲班出來日問聖體其高麗使朝辭儀

臣僚起居上殿如常儀閣門奏高麗使朝辭勝子起居戀闕如儀贊各上殿祇候引西階上殿立契丹舍人贊拜稱萬歲贊各就坐中書令以下伴酒三行殺膳二味皆如初見之儀既謝贊有敕宴五拜贊各好去引出於幕次內別差使臣伴宴畢賜衣物跪受遙謝五拜歸館西夏國進奉使朝見臣僚常朝畢引使者左入至丹墀面殿立引使至上露臺立揖少前拜跪附奏起居訖俯伏興復位閣使宣問某安否鞠躬聽旨跪奏某安俯伏興退復位引左下至丹墀面殿立禮物右入左出畢閣使鞠躬通某國進奉使姓名候見其一十七拜贊祇候平立有私獻過畢揖使者鞠躬贊進奉收訖贊祇候引左上殿就位立臣僚使者齊聲諾酒三行引使左下至丹墀謝宴五拜畢贊有敕宴五拜祇候引右出禮畢于外賜宴客省伴宴仍賜衣物其西夏使朝辭常朝畢引使者左入通某國某使祇候辭再拜不出班起居再拜出班戀闕致詞復再拜賜衣物謝恩如常儀若賜宴五拜畢贊好去引

右出遼史禮志續
通典禮典同

右高麗西夏使人朝見 以上賓禮

二十四史九通政典類要合編卷二百十九

遼三

禮下

嘉禮 皇帝受冊儀 冊皇太后 冊皇后 冊皇太子 冊王妃公主 皇帝納后
太子納妃 遼漢與婚 公主下嫁 生辰朝賀 賀生皇子 正旦朝賀 聖節朝賀
冬至朝賀 立春重午儀 歲時雜儀 天子追尊祖考妣
天子崇所生母 再生儀 巡狩 養老

皇帝受冊儀前期一日尚舍奉御設幄於正殿北牖下南面設御坐奉禮郎設官僚客使幕次於東西朝堂太樂令設宮懸於殿庭舉麾位在殿第二重西階上東向乘黃令陳車輅尚輦奉御陳輿輦尚舍奉御設解劔席于東西階設文官六品已上位橫街南東方西向武官五品已上位橫街南西方東向皆北上重行每等異位將士各勒所部六軍仗屯諸門金吾仗黃麾仗陳于殿庭至日押冊官引冊自西便門入置冊案西階上通事舍人引侍從班入就位侍中東階下解劔履上殿欄外俯伏跪奏中嚴下殿劔履復位立閣使西階上殿欄外跪請木契面殿鞠躬奏奉敕喚仗殿中監少監殿中丞等押金吾四色仗入位臣僚後協律郎入就舉麾位符寶郎詣閣奉迎通事舍人引文官四品至六品武官三品至五品就門外位皇帝御輦至宣德門宣徽使押內諸司班起居引皇帝至閣服袞冕侍中東階下解劔履上殿版奏外辦太常博士引太常卿太常卿引帝內諸司出協律郎舉麾太樂令令撞黃鍾之鍾左五鍾皆應工人鼓祝樂作皇帝即御坐宣徽使贊屬合樂止贊廉捲扇開符寶郎奉寶進左右金吾報平安通事舍人引文官三品武官二品已上入門樂作就相向位畢

樂止通事舍人引侍從班南班文官三品武官二品已上合班北向東班西上西班東上起居七拜
分班各復位通事舍人引押冊官押冊自西階下至丹墀當殿置香案冊案置冊訖樂作就位樂止
捧冊官近後東西相對立舍人引侍從班并南班合班北向如初贊再拜在位者皆再拜舞蹈五拜
分班各復位如初捧冊官就西階下解劔席解劔履捧冊西階上殿樂作置冊御坐前東西立北向
捧冊官西階下立北上樂止讀冊官出班當殿立贊再拜三呼萬歲就西階下解劔席解劔履西階
上殿欄內立當御坐前侍中取冊捧冊官捧冊匣至讀冊官前跪相對捧冊讀冊官俛伏跪讀訖俛
伏興捧冊官跪左膝以冊授侍中侍中受冊以冊授執事者降自西階劔履訖復當殿位贊再拜三
呼萬歲復分班位舍人引侍從班南班合班北向如初贊拜在位者皆拜舞蹈鞠躬如初通事舍人
引班首西階下解劔履上殿樂作就欄內位樂止俛伏跪通全銜臣某等致詞稱賀訖俛伏興降西
階下帶劔納扇樂作復位樂止贊拜在位者皆再拜舞蹈五拜鞠躬侍中臨軒西向稱有制皆再拜
侍中宣答訖贊皆再拜舞蹈五拜分班各復位三品已上出樂作出門畢樂止侍中當御坐俛伏跪
通全銜奏禮畢俛伏興退東階下殿帶劔納履復位宣徽使贊扇合下簾太常博士太常卿引皇帝
起樂作至閣樂止舍人引文官四品武官三品以下出門外分班立次引侍從班出次兵部吏部出
次金吾出次起居郎舍人出次殿中監少監押金吾細仗出仍位臣僚後次東西上閣門使於丹墀
內鞠躬奏衙內無事捲班出閣門使丹墀內鞠躬揖奉敕放仗出門外文武班中間立喚承受官承

受官聲喏至閣使後鞠躬揖閣使鞠躬稱奉敕放仗承受聲喏鞠躬揖平身立引聲奉敕放仗聲絕趨退文武合班再拜舍人一員攝詞令官殿前鞠躬揖稱奉敕放黃麾仗出放金吾仗亦如之翼日文武臣僚入問聖躬

大平元年行此儀大略遵唐晉舊儀又有上契丹冊儀以阻午可汗柴冊禮合唐禮雜就之又有

上漢冊儀與此儀大同小異加以上贊儀

禮志

右皇帝受冊儀

冊皇太后儀前期陳設於元和殿如皇帝受冊之儀至日皇帝御弘政殿冊入侍從班入門外金吾列仗文武分班侍中解劔奏中嚴宣徽使請木契喚仗皆如之樂工入閣使門外文武班中間立喚承受官聲喏趨至閣使後立閣使鞠躬揖稱奉敕喚仗承受官鞠躬聲喏揖引聲奉敕喚仗文武合班再拜殿中監押仗入文武官入亦如之宣徽使押內諸司供奉官天橋班候皇太后御紫宸殿乘平頭輦童子女童隊樂引至金鸞門閣使奏內諸司起居訖贊引駕自下先行至元和殿皇太后入西北隅閣內更衣侍中解劔上殿奏外辦宣徽受版入奏侍中降復位協律郎舉麾樂作太樂令太常卿導引皇太后升坐宣徽使贊扇合簾捲扇開樂止符寶郎奉寶置皇太后坐右左右金吾大將軍對揖鞠躬奏軍國內外平安東上閣門副使引丞相東門入西上閣門副使引親王西門入通事舍人引文武班入如儀樂作至位樂止文武班趨進相向再拜退復位東西上閣門使宣徽使自弘

政殿引皇帝御肩輿至西便門下引入門樂作至殿前位樂止宣徽使贊皇帝拜問皇太后聖躬萬福拜皇帝御西閣坐合班起居如儀北府宰相押冊中書樞密令史八人昇冊東西上閣門使引冊宣徽使引皇帝送冊樂作至殿前置冊位樂止宣徽使贊皇帝再拜稱萬歲羣臣陪位揖翰林學士四人大將軍四人昇冊皇帝捧冊行三舉武授冊昇之西階上殿樂作置太后坐前樂止皇帝冊西面東立舍人引丞相當殿再拜三呼萬歲解劔西階上殿樂作至讀冊位樂止俛伏跪讀冊訖俛伏三呼萬歲復班位宣徽使引皇帝下殿樂作至殿前位樂止皇帝拜舞蹈拜訖引皇帝西階上殿至皇太后坐前位俛跪致詞訖俛伏興引西階下至殿前位拜舞蹈拜鞠躬侍中臨軒宣太后答稱有制皇帝再拜宣訖引皇帝上殿樂作至西閣樂止丞相親王侍從文武合班贊拜舞蹈三呼萬歲如儀丞相上賀侍中宣答如儀丞相以下出舉樂出門樂止侍中奏禮畢宣徽索扇合下簾皇太后起舉樂入閣樂止文武官出門外分班侍從兵部吏部起居金吾仗出如儀閣使奏放仗皆如皇帝受冊之儀

通史
禮志

右冊皇太后

冊皇后儀至日北南臣僚內外命婦詣端拱殿幕次皇后至閣侍中奏中殿引命婦班入就東西相向位立皇帝臨軒命使發冊使副押冊至端拱殿門外幕次侍中奏外辦所司承旨索扇扇上舉麾樂作皇后出閣升坐扇開簾捲偃麾樂止引命婦合班面殿起居八拜皇后降坐樂作至殿下褥位

樂止引冊入置皇后褥位前侍中傳宣皇后四拜命婦陪位皆拜引讀冊官至皇后褥位前俛伏跪讀訖皇后四拜陪位者皆拜引皇后升殿使臣引冊置皇后坐前冊案退西向侍立命婦當殿稱賀四拜引班首東階上殿致詞訖東階下殿復位四拜侍中奏宣答稱有教旨四拜宣答訖四拜班首上殿進酒皇后賜押冊使副等酒訖侍中奏禮畢承旨索扇樂作皇后起入閣樂止分引命婦等東西門出

遼史禮志續通志嘉禮同

右冊皇后

冊皇太子儀前期一日設幄坐于宣慶殿設文武官幕次于朝堂并殿庭板位太樂令陳宮縣皆如皇帝受冊儀守宮設皇太子次于朝堂北西向乘黃令陳金輅朝堂門外西向皇太子儀仗笳蕭鼓吹等陳宣慶門外典儀設皇太子版位于殿橫街南近東北向設文武官五品以上位於樂縣東西餘官如常儀至日門下侍郎奉冊中書侍郎奉寶綬各置于案令史二人絳服對舉案立寶案在橫街北西向冊案在北門下侍郎中書侍郎竝立案後侍中版奏中嚴皇太子遠遊冠絳紗袍乘珪出太子舍人引入就版位北面殿立東宮官三師以下皆從立皇太子東南西向太子入門樂作至位樂止典儀贊皇太子再拜在位者皆再拜中書令立太子東北西向門下侍郎引冊案中書侍郎取冊進授中書令退復位傳宣官稱有制皇太子再拜傳宣訖再拜中書令跪讀冊訖俛伏興皇太子再拜受冊退授左庶子中書侍郎取寶進授中書令皇太子進受寶退授左庶子中書令以下退復

位昇案者以案退典儀贊再拜皇太子拜在位者皆再拜太子舍人引皇太子退樂作出門樂止侍中奏禮畢皇太子升金輅左庶子以下夾侍儀仗鼓吹等並列宣慶門外三師三少諸宮臣於金輅前後導從鳴鑣而行還東宮宮庭先設仗衛如式至宮門鑣止皇太子降金輅舍人引入就位坐文武宮臣序班稱賀禮畢

通史禮志續
通典禮典同

右冊皇太子

冊王妃公主儀至日押冊使副并讀冊等官押冊東便門入持節前導至殿冊案置橫街北少東引使副等面殿立而鞠躬侍中臨軒稱有制皆再拜鞠躬宣制訖舞蹈五拜引冊於宣慶門出使副等押領儀仗冊案赴各私第廳前向闕陳列設傳宣受冊拜褥冊案置褥左去幕蓋使副案右序立受冊者就位立傳宣稱有制再拜宣制畢昇冊人舉冊匣於褥前跪捧引讀冊者與受冊者皆俛伏跪讀訖皆俛伏興受冊者謝恩國王五拜王妃公主四拜若冊禮同日先上皇太后冊寶次臨軒同制遣使冊皇后諸王妃公主次冊皇太子

通史禮志續通典
禮典續通志嘉禮同

右冊王妃公主

遠禮儀志凡皇帝納后之儀擇吉日至日后族畢集詰旦后出私舍坐於堂堂皇帝遣使及媒者以牲酒饗餼至門執事者以告使及媒者入謁再拜平身立少頃拜進酒於皇后次及后之父母宗族兄弟酒偏再拜納幣致詞再拜訖后族皆坐達章錦夫人四拜請就車后辭父母伯叔父母兄弟各四

拜宗族長者再拜皇后升車父母飲后酒如初教坊遮導贊祝后命賜以物后族追拜進酒遂行將至宮門宰相傳勅賜皇后酒徧及送者既至達章錦夫人率皇族奉迎再拜皇后車至便殿東南七十步止達章錦夫人請降車負銀罍捧膝履黃道行後一人張羔裘若襲之前一婦人捧鏡卻行置鞍於道后過其上乃詣神主室三拜南北向各一拜酌酒向謁者一拜起居訖再拜次謁舅姑御容拜奠酒選皇族諸婦宜子孫者再拜之授以罍膝又詣諸帝御容奠酒神賜襲衣珠玉佩飾拜受服之后姊若妹陪拜者各賜物皇族迎者后族送者徧賜酒皆相耦飲訖后坐別殿送后者退食於次媒者傳旨命送后者列于殿北俟皇帝卽御坐選皇族尊者一人當輿坐主婚禮命執事者往來致辭於后族引后族之長率送后者升當御坐皆再拜又一人少進附奏送后之辭退復位再拜后族之長及送后者向當輿者三拜南北向各一拜向謁者一拜后族之長跪問聖躬萬福再拜復奏送后之詞又再拜當輿者與媒者行酒三周命送后者再拜皆坐終宴翼日皇帝晨興詣先帝御容拜奠酒訖復御殿宴后族及羣臣皇族后族耦飲如初百戲角觝戲馬較勝以爲樂又翼日皇帝御殿賜后族及驢送后者各有差受賜者再拜進酒再拜皇帝御別殿有司進皇后服飾之籍酒五行送后者辭訖皇族獻后族禮物后族以禮物謝當輿者禮畢其冊皇后儀至日北南臣僚內外命婦詣端拱殿幕次皇后至閣侍中奏中嚴引命婦班入就東西相向位立皇帝臨軒命使發冊使副押冊至端拱殿門外幕次侍中奏外辦所司承旨索扇扇上舉麾樂作皇后出閣升坐扇開簾捲偃麾樂

止引命婦合班面殿起居八拜皇后降坐樂作至殿下褥位樂止引冊入置皇后褥位前侍中傳宣皇后四拜命婦陪位皆拜引讀冊官至皇后褥位前俛伏跪讀訖皇后四拜陪位者皆拜引皇后升殿使臣引冊置皇后坐前冊案退西向侍立命婦當殿稱賀四拜引班首東階上殿致詞訖東階下殿復位四拜侍中奏宣答稱有教旨四拜宣答訖四拜班首上殿進酒皇后賜押冊使副等酒訖侍中奏禮畢承旨索扇樂作皇后起入閣樂止分引命婦等東西門出

遼史禮志續通典禮典續通志嘉禮同

右皇帝納后

遼道宗太平八年六月權北院大王耶律鄭留奏今歲十一月皇太子納妃諸族備會親之帳詔以豪盛者三十戶給其費

續通典禮典

右太子納妃

遼太宗會同三年十二月詔契丹人授漢官者從漢儀聽與漢人婚姻

續通典禮典

右遼漢與婚

遼公主下嫁儀選公主諸父一人爲昏主凡當與者媒者致詞之儀自納幣至禮成大略如納后議擇吉日詰旦媒者趨尙主之家詣宮侯皇帝皇后御便殿率其族入見進酒訖命皇族與尙主之族相偶飲翼日尙主之家以公主及婿率其族入見致宴於皇帝皇后獻贖送者禮物訖朝辭賜公主青轎車二螭頭蓋部皆飾以銀駑駘賜婿朝服四時襲衣鞍馬凡所須無不備選皇族一人送至其

家親王女封公主者婚儀倣此以親疏爲差降聖宗太平八年六月權北院大王耶律習魯奏今歲十一月皇太子納妃諸族備會親之帳詔以豪盛者三十戶給其費興宗重熙十六年定公主行歸

禮於舅姑儀

通史禮志 續
通志嘉禮同

右公主下嫁

皇太后生辰朝賀儀至日臣僚入朝國使至幕班齊如常儀皇太后升殿坐皇帝東面側坐契丹舍人殿上通名契丹漢人臣僚宋使副綴翰林學士班東西兩洞門入合班稱賀班首上殿祝壽分班引出皆如正旦之儀教坊起居七拜契丹漢人臣僚入進酒皆如正旦之儀唯宣答稱聖旨皇帝降御座進奉皇太后生辰禮物過畢皇帝殿上再拜殿下臣僚皆再拜皇帝升御座引臣僚分班出引中書令北大王西階上殿奏契丹臣僚進奉次漢人臣僚并諸道進奉控鶴官置擔牀起居四拜畢引進使鞠躬通文武百僚某官某以下高麗夏國諸道進奉宣徽使殿上贊進奉各付所司控鶴官聲喏擔牀過畢契丹漢人臣僚以次謝五拜贊各祇候引出教坊諸道進奉使謝如之契丹臣僚謝宣宴引上殿就位立漢人臣僚并宋使副東洞門入面西謝宣宴如正旦儀贊各上殿祇候臣僚使副上殿伉位立亦如之監璫教坊上殿從人入東廊立皆如之御牀入皇帝初進酒臣僚就位陪拜皇太后飲酒殿中應坐侍立臣僚皆拜稱萬歲贊各祇候立皇太后卒飲手賜皇帝酒皇帝跪卒飲退就褥位再拜臣僚皆陪拜若皇帝親賜使相臣僚宋使副酒皆立飲皇帝升坐贊應坐臣僚并使

副皆拜稱萬歲贊各就坐行方棚朵殿臣僚酒如正旦儀一進酒兩廊從人拜稱萬歲各就坐親王進酒於正旦儀若皇太后手賜親王酒跪飲訖退露臺上五拜贊祇候殿上三進酒行餅茶訖教坊跪致語揖臣僚使副廊下從人皆立口號絕贊拜亦如之行茶行散膳皆如之大饌入行粥盃殿上七進酒使相臣僚樂曲終揖廊下從人起拜稱萬歲各好去承受官引兩門出曲破揖臣僚使副起鞠躬贊拜皆拜稱萬歲贊各祇候引臣僚使副下殿契丹臣僚謝宴畢出漢人臣僚使副舞蹈五拜畢贊各好去出洞門畢報閣門無事皇太后皇帝起

應聖節宋遣使來賀生辰正旦始制此儀故詳見賓儀

凡五拜拜興再拜興跪搢笏三舞蹈

三叩頭出笏

就拜興拜興再拜興其就拜亦曰俛伏興

賓儀臣僚皆曰坐於此儀曰高

榻與方榻別

皇帝生辰朝賀儀臣僚國使班齊皇帝升殿坐臣僚使副入合班稱賀合班出皆如皇太后生辰儀中書令北大王奏諸道進奉表目教坊起居七拜臣僚東西門入合班再拜贊進酒班首上殿進酒宣徽使宣答羣臣謝宣諭分班奏樂皇帝卒飲合班班首下殿分班出皆如正旦之儀進奉皆如皇太后生辰儀皇帝詣皇太后殿近上皇族外戚大臣竝從奉迎太后卽皇帝殿坐皇太后御小輦皇帝側步從臣僚分行序引宣徽使諸司閣門攢隊前引教坊動樂控鶴起居四拜引駕臣僚竝於山樓南方立候皇太后入闈揖使副并臣僚入幕次皇太后升殿坐皇帝東方側坐引契丹漢人臣

僚使副兩洞門入合班起居舞蹈五拜贊各祇候面殿立皇帝降御座殿上立進皇太后生辰物過畢皇帝殿上再拜殿上下臣僚皆拜皇帝升御座引臣僚分班出契丹臣僚入謝宣宴漢人臣僚使副入通名謝宣宴上殿就位不應坐臣僚出從人入皆如儀御牀入皇帝初進皇太后酒皇太后賜皇帝酒皆如皇太后生辰儀贊各就坐行酒宣飲盡就位謝如儀殿上一進酒畢從人入就位如儀親王進酒行餅茶教坊致語如儀行茶行般磨如儀七進酒使相樂曲終從人起曲破臣僚使副起餘皆如正旦之儀

皇后生辰儀臣僚昧爽朝皇帝皇后大帳前拜日契丹漢人臣僚陪拜皇帝升殿坐皇后再拜臣僚殿下合班陪拜皇帝賜皇后生辰禮物皇后殿上謝再拜臣僚皆拜契丹舍人通名契丹漢人臣僚以次入賀踐入舍人贊舞蹈五拜起居不表聖躬萬福贊再拜班首上殿拜跪自通全銜祝壽訖引下殿復位鞠躬贊舞蹈五拜贊各祇候引宰臣一員上殿奏百僚諸道進表目教坊起居七拜不賀鶴官起居四拜諸道押衙附奏起居賜宴共八拜契丹漢人合班進壽酒舞蹈五拜引大臣一員上殿欄外褥位搢笏執臺踐進酒皇帝皇后受踐退復褥位授臺出笏欄內拜跪自通全銜祝壽臣等謹進千萬歲壽酒訖引下殿復位舞蹈五拜鞠躬宣徽使奏宣答如儀引上殿搢笏執臺皇帝皇后飲殿下臣僚分班教坊奏樂皆拜稱萬歲卒飲皇帝皇后授踐引下殿舞蹈五拜贊各祇候引出臣僚進奉如儀宣宴如儀教坊監踐臣僚上殿祇候如儀皇后進皇帝酒殿上贊拜侍臣僚皆拜皇

二十四史通正典卷之九十九 禮志
帝受饗皆拜皇后坐契丹舍人漢人閣使殿上贊拜皆拜稱萬歲贊各就坐大臣進皇帝皇后酒行酒如儀酒三行行殺行膳又進皇帝皇后酒酒再行大饌入行粥教坊致語臣僚皆起立口號絕贊拜稱萬歲引下殿謝宴引出皆如常儀

以上並通史禮志

右生辰朝賀

賀生皇子儀其日奉先帝御容設正殿皇帝御八角殿升坐聲警畢北南宣徽使殿階上左右立北南臣僚金冠盛服合班入班首二人捧表立讀表官先於左階上側立二宣徽使東西階下殿受表捧表者跪左膝授訖就拜興再拜各祇候二宣徽使俱左階上授讀表官讀訖揖臣僚鞠躬引北面班首左階上殿欄內稱賀訖引左階下殿復位舞蹈五拜禮畢

通史禮志

右賀生皇子

遠正旦朝賀儀臣僚諸國使味爽入朝班齊皇帝升殿坐契丹舍人殿上通訖引契丹臣僚東洞門入引漢人臣僚并諸國使西洞門入合班舞蹈五拜鞠躬平身引親王東階上殿欄內稱位俛伏跪自通全衛臣某等祝壽訖俛伏興下殿復位舞蹈五拜鞠躬宣徽使稱有敕班首以下聽制訖再拜鞠躬宣云履端之慶與公等同之舍人贊謝宣諭拜舞蹈五拜贊各祇候分班引出引班首西階上殿奏表目訖教坊起居賀十二拜畢贊各祇候引契丹漢人臣僚并諸國使東西洞門入合班再拜親王自東階上殿就欄內稱位指笏執壺進酒訖退復稱位置壺出笏少前俛伏自通全衛臣

某等謹進千萬歲壽酒與殿下臣僚皆再拜鞠躬俟宣徽使稱有旨親王以下再拜如初儀宣云飲公等壽酒與公等內外同慶舍人贊謝宣諭如初贊各祇候親王搢笏執臺瓊殿下臣僚分班皇帝飲酒教坊奏樂上下臣僚皆拜呼萬歲贊各祇候樂止教坊再拜皇帝卒飲親王進受瓊復褥位置臺瓊下殿復位合班再拜贊各祇候分班引出皇帝起詣皇太后殿臣僚并諸國使皆從皇太后升殿引契丹漢人臣僚并諸國使兩洞門入班稱賀進酒皆如皇帝之儀畢引出教坊入起居進酒亦如之

遼史禮恭出續通典禮典續通志嘉禮同

右正旦朝賀

遼太宗天顯三年冬十月天授節帝御五鸞殿受羣臣及諸國使賀會同四年冬十一月以永寧天

授二節並受賀著爲令

皇太后生日爲永寧節續通典禮典

右聖節朝賀

冬至朝賀儀臣僚班齊如正旦儀皇帝皇后拜日臣僚陪位再拜皇帝皇后升殿坐契丹舍人通臣僚入合班親王祝壽宣答皆如正旦之儀謝訖舞蹈五拜鞠躬出班奏聖躬萬福復位再拜鞠躬班首出班俛伏跪祝壽訖伏興舞蹈五拜鞠躬贊各祇候分班不出合班御牀入再拜鞠躬贊進酒臣僚平身引親王左階上殿就欄內褥位搢笏執臺瓊進酒皇帝皇后受瓊訖退就褥位置臺出笏俛伏跪少前自通全衙臣某等謹進千萬歲壽酒俛伏興退復褥位再拜鞠躬殿下臣僚皆再拜鞠躬

宣答如正旦儀親王搢笏執臺分班皇帝皇后飲酒奏樂殿上下臣僚皆拜稱萬歲壽樂止教坊再拜臣僚合班親王進受璫至褥位置臺璫出笏引左階下殿御牀出親王復丹墀位再拜鞠躬贊祇候分班引出班首右階上殿奏表目進奉諸道進奉教坊進奉過訖贊進奉收班首舞蹈五拜鞠躬贊各祇候班首出臣僚復入合班謝舞蹈五拜鞠躬贊各祇候分班引出聲警皇帝皇后起赴北殿皇太后於御容殿與皇帝皇后率臣僚再拜皇太后上香皆再拜贊各祇候可矮掖以上上殿皇太后三進御容酒陪位皆拜皇太后升殿坐皇帝就露臺上褥位親王押北南臣僚班丹墀內立皇帝再拜臣僚皆拜鞠躬皇帝欄內跪祝皇太后壽訖伏位再拜凡拜皆稱萬歲贊各祇候臣僚不出皇帝皇后側坐親王進酒臣僚陪拜皇太后宣答皆如正旦之儀臣僚分班不出班首右階上殿奏表目合班謝宣宴上殿就位如儀御牀入皇帝進皇太后酒如初各就座行酒宣飲盡如皇太后生辰之儀皇后進酒如皇帝之儀三進酒行茶教坊致語行殺膳大饌七進酒曲破臣僚起御牀出謝宴皆如皇太后生辰儀

禮志

右冬至朝賀

立春儀皇帝出就內殿拜先帝御容北南臣僚丹墀內合班再拜可矮掖以上入殿賜坐帝進御容酒陪位并侍立皆再拜一進酒臣僚下殿左右相向立皇帝戴幡勝等第賜幡勝臣僚簪畢皇帝於土牛前上香三奠酒不拜教坊動樂侍儀使跪進綵杖皇帝鞭土牛可矮掖以上北南臣僚丹墀內

合班跪左膝受綵杖直起再拜贊各跪候司辰報春至鞭土牛三匝矮敬鞭止引節度使以上上殿
撒穀豆擊土牛撒穀豆許眾奪之臣僚依位坐酒兩行春盤入酒三行舉行茶皆起禮畢

重午儀至日臣僚味爽赴御帳皇帝繫長壽綵纒升車坐引北南臣僚合班如丹墀之儀所司各賜

壽纒揖臣僚跪受再拜引退從駕至膳所酒三行若賜宴臨時聽敕 重九儀北南臣僚且赴御帳

從駕至圍場賜茶皇帝就坐引臣僚御前班立所司各賜菊花酒跪受再拜酒三行揖起逸史禮志

右立春重午儀

歲時雜儀正旦國俗以糯飯和白羊髓為餅丸之若拳每帳賜四十九枚戊夜各於帳內窗中擲丸
於外數偶動樂飲宴數奇令巫十有二人鳴鈴執箭繞帳歌呼帳內爆鹽壚中燒地拍鼠謂之驚鬼
居七日乃出國語謂正旦為迺捏咿呪迺正也捏咿呪且也逸史禮志

右歲時雜儀

遼興宗重熙二十一年秋七月追尊太祖之祖為簡獻皇帝妣為簡獻皇后太祖之考為宣簡皇帝

妣為宣簡皇后續通典禮典

右天子追尊祖考妣

遼世宗即位尊母蕭氏為皇太后世宗為太祖太子倍長子倍以太祖命守東丹後適唐遇害世宗立追尊為義宗母蕭氏太子妃尊為太后續通典禮典

右天子崇所生母

再生儀凡十有二歲皇帝本命前一年季冬之月擇吉日前期禁門北除地置再生室母后室先帝
神主與在再生室東南側櫃三岐木其日以童子及產醫媪置室中一婦人執酒一叟持矢箠立於
室外有司請神主降輿致奠奠訖皇帝出寢殿詣再生室羣臣奉迎再拜皇帝入室釋服跣以童子
從三過岐木之下每過產醫媪致詞拂拭帝躬童子過岐木七皇帝臥木側叟擊箠曰生男矣太巫
媪皇帝首與羣臣稱賀再拜產醫媪受酒于執酒婦以進太巫奉襪襪絲結等物贊祝之預選七叟
各立御名繫于綵皆跪進皇帝選嘉名受之賜物再拜退羣臣皆進襪襪絲結等物皇帝拜先帝諸
御容遂宴羣臣

善哉阻午可汗之垂訓後嗣也孺子無不慕其親者嗜欲深而愛淺妻子具而孝衰人人皆然而
况天子乎再生之儀歲一周星使天子一行是禮以起其孝心夫體之也具則其思之也切孺子
之慕將有油然而發于中心者感發之妙非言語文字之所能及善哉阻午可汗之垂訓後嗣也始
之以三過岐木母氏劬勞能無念乎終之以拜先帝御容敬承宗廟宜何如哉詩曰無念爾祖聿

脩厥德

遼史禮志 案道宗咸雍五年皇太子行再生禮減諸路徒以下罪一等

右再生儀

遼太宗天顯四年西巡駐蹕涼陘赦繫囚復如南京祠木葉山聖宗統和四年冬幸南京復都民今
年租賦十三年正月幸延芳淀詔諸道勸農

續通典 禮典

右巡狩

遼聖宗統和十六年六月詔婦人年踰九十者賜物太平四年二月詔賜諸官分耆老食

續通典
禮典

右養老

樂國樂 諸國樂 雅樂 大樂 二舞
散樂鼓吹樂 相和歌

遼有國樂猶先王之風其諸國樂猶諸侯之風故志其略

正月朔日朝賀用宮懸雅樂元會用大樂曲破後用散樂角觝終之是夜皇帝燕飲用國樂

七月十三日皇帝出行宮三十里卓帳十四日設宴應從諸軍隨各部落動樂十五日中元大宴用

漢樂

春飛放杏塢皇帝射獲頭鵝薦廟燕飲樂工數十人執小樂器侑酒

遼史
樂志

右國樂

太宗會同三年晉宣徽使楊端王朮等及諸國使朝見皇帝御便殿賜宴端朮起進酒作歌舞上爲
舉觴極歡會同三年端午日百僚洎諸國使稱賀如式燕飲命回鶻燧煌二使作本國舞

天祚天慶二年駕幸混同江頭魚酒筵半酣上命諸酋長次第歌舞爲樂女直阿骨打端立直視辭
以不能上謂蕭奉先曰阿骨打意氣雄豪顧視不常可托以邊事誅之不然恐貽後患奉先奏阿骨
打無大過殺之傷向化之意叢爾小國又何能爲

遼史
樂志

右諸國樂

自漢以後相承雅樂有古頌焉有古大雅焉遼闕郊廟禮無頌樂大同元年太宗自汴將還得晉太常樂譜宮懸樂架委所司先赴中京

聖宗太平元年尊號冊禮設宮懸於殿庭舉麾位在殿第三重西階之上協律郎各入就舉麾位太常博士引太常卿太常卿引皇帝將仗動協律郎舉麾太樂令撞黃鍾之鍾左右鍾皆應工人舉祝樂作皇帝卽御坐屬合樂止 王公入門樂作至位樂止 通事舍人引押冊大臣初動樂作置冊殿前香案訖就位樂止昇冊官奉冊初動樂作升殿置冊御坐前就西墻北上位樂止 大臣上殿樂作至殿欄內位樂止 大臣降殿階樂作復位樂止 王公三品以上出樂作太常博士引太常卿太常卿引皇帝降御坐入閣樂止 興宗重熙九月上契丹冊皇帝出奏隆安之樂

聖宗統和元年冊承天皇后設宮懸籥簫太樂工協律郎入 太后儀衛動舉麾太和樂作太樂令太常卿導引升御坐簾捲樂止 文武三品以上入舒和樂作至位樂止 皇帝入門雍和樂作至殿前位樂止 宰相押冊皇帝隨冊樂作至殿前置冊於案樂止 翰林學士大將軍昇冊樂作置御坐前樂止 丞相上殿樂作至讀冊位樂止 皇帝下殿樂作至位樂止 太后宣答訖樂作皇帝至西閣樂止 親王丞相上殿樂作退班出樂止 下簾樂作皇太后入內樂止 冊皇太子儀太子初入門貞安之樂作 冊禮樂工次第 四隅各置建鼓一虞樂工各一人 宮懸每面九

虞每虞樂工一人 樂虞近北置祝教各一樂工各一人 樂虞內坐部樂工左右各一百二人
樂虞西南武舞六十四人執小旗二人 樂虞東南文舞六十四人執小旗二人 協律郎二人
太樂令一人

唐十二和樂遼初用之 豫和祀天神 順和祭地祇 永和享宗廟 肅和登歌奠玉帛 雍和
入俎接神 壽和酌獻飲神 太和節升降 舒和節出入 昭和舉酒 休和以飯 正和皇后
受冊以行 承和太子以行

遼十二安樂初梁改唐十二和樂爲九慶樂後唐建唐宗廟仍用十二和樂晉改爲十二同樂遼雜
禮天子出欲與陸安太子行奏貞安則是遼嘗改樂名矣餘十安樂名缺
遼雅樂歌辭文闕不具八音器數大抵因唐之舊

八音

金 鐃鐘

石 球磬

絲 琴瑟

竹 簫簫笛

匏 笙竽

土 壎

革 鼓鼗

木 祝敔

十二律用周黍尺九寸管空徑三分爲本道宗太康中詔行秬黍所定升斗嘗定律矣其法大抵用

古律焉

遼史

遼雅樂章名

章名

謹按通史稱遼初用唐十二和樂其後改名十二安而不能備紀其目據聖宗統和元年冊承
天皇太后太后儀衛勳舉麾太和樂作文武三品以上入舒和樂作皇帝入門雍和樂作又興
宗重熙九月上契丹冊皇帝出奏隆安之樂又載冊太子儀太子入門貞安之樂作則是聖宗
已前尚沿十二和之名興宗已後始改名曰安矣但初用十二和既襲唐舊而後改十二安又
與宋制若合符節豈有遼二百年之中不克創爲雅樂新名獨垂制作而始終蹈襲若此抑
元初史臣於遼代樂制未盡搜羅遂乃摭拾傳會從而爲之詞耶故疑而闕之

續通志
樂略

右雅樂

自漢以來因秦趙之聲置樂府至隋高祖詔求知音者鄭譯得西域蘇祇婆七旦之聲求合七音八
十四調之說由是雅俗之樂皆此聲矣用之朝廷別於雅樂者謂之大樂晉高祖使馮道劉煦冊應
天太后太宗皇帝其聲器工官與法駕同歸於遼

聖宗太平元年冊承天皇太后童子弟子隊樂引太后輦至金鑾門

天祚皇帝天慶元年上壽儀

皇帝出東閣鳴鞭樂作 簾捲扇開樂止 太尉執臺分班太樂令舉麾樂作 皇帝飲酒訖樂

上 應坐臣僚東西外殿太樂令引堂上樂升大臣執臺太樂令奏舉觴登歌樂作飲訖樂止

行臣僚酒偏太樂令奏巡周舉麾樂作 飲訖樂止太常卿進御食太官令奏食徧樂作 文舞

入三變引出樂止 次進酒行臣僚酒舉觴巡周樂作 飲訖樂止 次進食食徧樂作 武舞
入三變引出樂止 扇合簾下鳴鞭樂作 皇帝入西閣樂止

大樂器本唐太宗七德九功之樂武后毀唐宗廟七德九功樂舞遂亡自後宗廟用隋文武二舞朝
廷用高宗景雲樂代之元會第一奏景雲樂舞杜佑通典已稱諸樂並亡唯景雲樂舞僅存唐末五
代版蕩之餘在者希矣遼國大樂晉代所傳雜禮雖見坐部樂工左右各一百二人蓋亦以景雲遺
工充坐部其坐立部樂自唐已亡可考者唯景雲四部樂舞而已

玉磬

方響

羯鼓

筑

臥箜篌

大箜篌

小箜篌

大琵琶

小琵琶

大五絃

小五絃

吹葉

大筚

小筚

箏篋

簾

銅鈸

長笛

尺八笛

短笛

以上皆一人

毛員鼓

連鼓

具

以上皆二人餘每器工一人

歌二人

舞二十人分四部

景雲舞八人

慶雲樂舞四人

破陣樂舞四人

承天樂舞四人

大樂調雅樂有七音大樂亦有七聲謂之七旦一曰婆陁力平聲二曰雞識長聲三曰沙識質直聲四曰沙侯加濫聲五曰沙臘皆應聲六曰般騰五聲七曰侯利筵斛先聲自隋以來樂府取其聲四旦二十八調爲大樂

婆陁力旦

正宮

高宮

中呂宮

道調宮

南呂宮

仙呂宮

黃鍾宮

雞識旦

越調

大食調

高大食調

雙調

小食調

歇指調

林鍾商調

沙識旦

大食角

高大食角

雙角

小食角

歇指角

林鍾角

越角

沙侯加濫旦

中呂調

正平調

高平調

仙呂調

黃鍾調

般涉調

高般涉調

右四旦二十八調不用黍律以琵琶絃叶之皆從濁至清迭更其聲下益濁上益清七七四十九調餘二十一調失其傳蓋出九部樂之龜茲部云

大樂聲各調之中度曲協音其聲凡十曰五凡工尺上一四六勾合近十二雅律於律呂各闕其一猶雅音之不及商也

禮史樂志

右大樂

景雲樂舞

破陣樂舞

見前大樂

謹按遼文武二舞不見正史據袁桷清容集稱聖宗時定景雲樂舞以昭文德破陣樂舞以彰武功後又增慶雲樂舞承天樂舞是遼時仍用文武二舞也可以補史志之闕

續通志樂略

右二舞

般人作靡靡之樂其聲往而不反流爲鄭衛之聲秦漢之間秦楚聲作鄭衛寢亡漢武帝以李延年典樂府稍用西涼之聲今之散樂俳優歌舞雜進往往漢樂府之遺聲晉天福三年遣劉煦以伶官來歸遼有散樂蓋由此矣

遼冊皇后儀

呈百戲角觝戲馬以爲樂

皇帝生辰樂次

酒一行 觴策起歌
酒二行 歌手伎入
酒三行 琵琶獨彈

餅茶致語
食入雜劇進

酒四行

闕

酒五行 笙獨吹鼓笛進
酒六行 箏獨彈築毬
酒七行 歌曲破角觥

曲真宋國使樂次

酒一行 觴策起歌
酒二行 歌
酒三行 歌手伎入
酒四行 琵琶獨彈

餅茶致語
食入雜劇進

酒五行

闕

酒六行 笙獨吹合法曲
酒七行 箏獨彈
酒八行 歌擊架樂
酒九行 歌角觥

散樂以三音該三才之義四聲調四時之氣應十二管之數截竹爲四竅之笛以叶音聲而被之絃
歌三音天音揚地音抑人音中皆有聲無文四時春聲曰平夏聲曰上秋聲曰去冬聲曰入

散樂器觴策簫笛笙琵琶五絃箏篔簹方響杖鼓第二鼓第三鼓腰鼓大鼓鼗拍板

雜戲自齊景公用倡優侏儒至漢武帝設魚龍曼延之戲後漢有繩舞自割之伎杜佑以爲多幻術

皆出西域哇俚不經故不具述

遼史樂志

右散樂

鼓吹樂一曰短簫鏡歌樂自漢有之謂之軍樂遼雜禮朝會設熊罴十二案法駕有前後部鼓吹百官鹵簿皆有鼓吹樂

前部

鼓吹令二人

擗鼓十二

金鉦十二

大鼓百二十

長鳴百二十

鏡十二

鼓十二

歌二十四

管二十四

簫二十四

箏二十四

後部

大角百二十

鼓吹丞二人

羽葆十二

鼓十二

管二十四

簫二十四

鏡十二

鼓十二

簫二十四

箏二十四

右前後鼓吹行則導駕奏之朝會則列仗設而不奏橫吹樂

橫吹亦軍樂與鼓吹分部而同焉皆屬鼓吹令

前部

大橫吹百二十

節鼓二

笛二十四

鶯篋二十四

箏二十四

桃皮鶯篋二十四

桐鼓十二

金鉦十二

小鼓百二十

中鳴百二十

羽葆十二

鼓十二

管二十四

簫二十四

箏二十四

後部

小橫吹百二十四

笛二十四

簫二十四

鶯篋二十四

桃皮鶯篋二十四

百官鼓吹橫吹樂自四品以上名有增損見儀衛志自周衰先王之樂寢以亡缺周南變爲秦風始
皇有天下鄭衛秦燕趙楚之聲迭進而雅聲亡矣漢唐之盛文事多西音是爲大樂散樂武事皆北
音是爲鼓吹橫吹樂雅樂在者其器雖其音亦西云

遼史樂志

謹按遼樂散佚當世有前後鼓吹二部今僅傳其器而已至其曲名則不可復考矣或者有聲

無辭

續通志樂略

右鼓吹樂

踏鋹

謹按鄭志云相和歌者街陌謳謠之詞遼渤海俗每歲時聚會先命善歌舞者數輩前行士女

追逐更相鳴和回旋宛轉名曰踏鏡與相和歌合

續通志樂略

右相和歌

五十四

二十四史九通政典類要合編卷二百二十

意四

輿服

國輿 漢輿 國服 漢服 符契 符印 國仗 漢仗 鹵簿儀仗

契丹故俗便於鞍馬隨水草遷徙則有氈車任載有大車婦人乘馬亦有小車貴富者加之華飾禁制疎闊貴適用而已帝后加隆勢固然也輯其可知著于篇

大輿柴冊再生儀載神主見之

輿臘儀見皇帝皇后升輿降輿

總蠶車駕以御晚祭山儀見皇太后升總蠶車

車納后儀見皇后就車

青幃車二螭頭蓋部皆飾以銀駕用駝公主下嫁以賜之古者王姬下嫁車服不繫其夫下王后

一等此其遺意歟

送終車車樓純飾以錦螭頭以銀下縣鐸後垂大氈駕以牛上載羊一謂之祭羊以擬送終之用

亦賜公主

椅冊皇太后儀皇帝乘椅自便殿舉至西便門

鞍馬祭山儀皇帝乘馬侍皇太后行臘儀皇帝降輿祭東畢乘馬入臘圖瑟瑟儀俱乘馬東行羣

臣在南命婦在北以上並遵史儀衛志

右國輿

太宗皇帝會同元年晉使馮道劉煦等備車輅法物上皇帝皇太后尊號冊禮自此天子車服昉見於遼太平中行漢冊禮乘黃令陳車輅尙輦奉御陳輿輦盛唐輦輅盡在遼廷矣

五輅周官典輅有五輅秦亡之後漢創製

玉輅祀天祭地享宗廟朝賀納后用之青質玉飾黃屋左纛十二鑾在衡二鈴在軾龍駟左建旂十二旂皆畫升龍長曳地駕蒼龍金叟縷錫盤纓十二就遼國勘箭儀皇帝乘玉輅至內門聖宗開泰十年上升玉輅自內三門入萬壽殿進七廟御容酒金輅覆射祀還飲至用之赤質金飾餘如玉輅色從其質駕赤騮

象輅行道用之黃質象飾餘如金輅駕黃騮

革輅巡狩武事用之白質革輓駕白駒

木輅田獵用之黑質漆飾駕黑騮

車制小於輅小事乘之

耕乘車耕籍用之青質蓋三重餘如玉輅

安車一名進賢車臨幸用之金飾重輿曲壁八鑿在衡紫油繡朱裏幘朱絲絡網駕赤騮朱盤纓

四望車一名明遠車拜陵臨弔則用之金飾青油纁朱裏通轆駕牛餘同安車

涼車赤質首方罷獵用之赤質金塗銀裝五綵龍鳳織藤油壁緋條蓮座駕以橐駝

輦用人挽本宮中所乘唐高宗始制七輦周官巾車有輦以人組挽之太平冊禮皇帝御輦

大鳳輦赤質頂有金鳳壁畫雲氣金翅前有軾下有构欄絡帶皆繡雲鳳銀梯主輦八十人

大芳輦

仙游輦

小輦永壽節儀皇太后乘小輦

芳亭輦黑質幕屋緋欄皆繡雲鳳朱綠夾窗花板紅網兩簾四竿銀飾梯主輦百二十人

大玉輦

小玉輦

逍遙輦常用之樓屋赤質金塗銀裝紅條輦官十二人春夏緋衫秋冬素錦服

平頭輦常行用之制如逍遙無屋冊承天皇太后儀皇太后乘平頭輦

步輦聖宗統和三年駐蹕土河乘步輦聽政

羊車古輦車赤質兩壁龜文鳳翅緋幟絡帶門簾皆繡瑞羊畫輪駕以牛隋易果下馬童子十八

人服繡瑞羊挽之

輿以人肩之天子用繡絡臂綰

腰輿前後長竿各二金銀螭頭緋繡鳳欄上施錦褥別設小床奉輿十六人

小輿赤質青頂曲柄緋繡絡帶制如鳳輦而小上有御座奉輿二十四人

皇太子車輅

金輅從祀享正冬大朝納妃用之冊皇太子儀乘黃令陳金輅皇太子升降金輅

輅車五日常朝享宮臣出入行道用之金飾紫幟朱裏駕一馬

四望車平臨用之金飾紫油纁通幟駕一馬

以上並通史儀衛志
通典禮典續通志器服同

按通史儀衛志不具皇太后皇后車輅之制惟於國輿內載祭山儀見皇太后升總轡車納后儀見皇后就車於漢輿內載禾嘉節儀皇太后乘小輦冊承天太后儀皇太后乘平頭輦即此可略稽其制度矣續通志器服案語

右漢輿

祭服遼國以祭山爲大禮服飾尤盛

大祀皇帝服金文金冠白綾袍紅帶縣魚三山紅垂飾犀玉刀錯絡縫烏鞞

小祀皇帝硬帽紅克絲龜文袍皇后戴紅帕服絡縫紅袍縣玉佩雙同心帕絡縫烏鞞

臣僚命婦服飾各從本部旗幟之色

朝服太祖丙寅歲卽皇帝位朝服衷甲以備非常其後行瑟瑟禮大射柳卽此服聖宗統和元年冊

承天皇太后給三品以上用漢法服三品以下用大射柳之服

皇帝服實里薛袞冠絡縫紅袍垂飾犀玉帶錯絡縫鞞謂之國服袞冕太宗更以錦袍金帶

臣僚戴氈冠金花爲飾或加珠玉翠毛額後垂金花織成夾帶中貯髮一總或紗冠制如烏紗帽

無簷不攔雙耳額前綴金花上結紫帶末綴珠服紫窄袍繫鞞鞞帶以黃紅色條裹革爲之用

金玉水晶靛石綴飾謂之盤紫太宗更以錦袍金帶會同元年羣臣高年有爵秩者皆賜之

公服謂之展裏著紫輿宗重熙二十二年詔八房族中幘道宗清寧元年詔非勳戚之後及夷離董

副使并承應有職事人不帶巾

皇帝紫皂幅巾紫窄袍玉束帶或衣紅襖臣僚亦幅巾紫衣

常服

宰相中謝儀帝常服高麗使入見儀臣僚便衣謂之盤裏綠花窄袍綠中單多紅綠色貴者披貂

裘以紫黑色爲貴青次之又有銀鼠兀潔白賤者貂毛羊鼠沙狐裘

田獵服

皇帝幅巾環甲戎裝以貂鼠或鵝項鴨頭爲升腰番漢諸司使以上並戎裝衣皆左衽黑綠色

弔服太祖叛弟刺哥等降素服受之

素服乘豬白馬以上並遼史儀衛志 續通典禮典通志器服同

右國服

黃帝始制冕冠章服後王以祀以享唐收殷俾周弁以朝冠端以居所以別尊卑辨儀物也厥後唐以冕冠青衣爲祭服通天絳袍爲朝服平巾幘袍襪爲常服大同元年正月朔太宗皇帝入晉備法駕受文武百官賀于汴京崇元殿自是日以爲常是年北歸唐晉文物遂則用之左右采訂摭其常用者存諸篇

祭服終遠之世郊丘不建大裘冕服不書

衮冕祭祀宗廟遣上將出征飲至踐阼加元服納后若元日受朝則服之玉飾垂白珠十二旒以

組爲纓色如其綬黼纁充耳玉簪導玄衣纁裳十二章八章在衣日月星龍華蟲火山宗建四

章在裳藻粉米黼黻衣標領爲升龍織成文各爲六等龍山以下每章一行行十二白紗中單

黼領青標襖裾蔽革帶大帶劔佩綬寫加金飾元日朝會儀皇帝服衮冕

朝服乾亨五年聖宗冊承天太后給三品以上法服雜禮冊承天太后儀侍中就席解劔脫履重熙

五年尊號冊禮皇帝服龍衮北面臣僚竝朝服蓋遵制會同中太后北面臣僚國服皇帝南面臣僚

漢服乾亨以後大禮雖北面三品以上亦用漢服重熙以後大禮竝漢服矣常朝仍遵會同之制

皇帝通天冠諸祭還及冬至朔日受朝臨軒拜王公元會冬會服之冠加金博山附蟬十二首施

珠翠黑介幘髮纓翠綾玉若犀簪導絳紗袍白紗中單標領朱襖裾白裙襪絳蔽膝白假帶方

心曲領其革帶佩劍綬鞵烏若未加元服則雙童髻空頂黑介幘雙玉導加寶飾元日上壽儀
皇帝服通天冠絳紗袍

皇太子遠遊冠謁廟還宮元日冬至朔日入朝服之三梁冠加金附蟬九首施珠翠黑介幘髮纓
翠綾犀簪導絳紗袍白紗中單皂領襖裾白裙襦白假帶方心曲領絳紗蔽膝其革帶劍佩
綬鞵烏與上同後改用白鞵黑烏未冠則雙童髻空頂黑介幘雙玉導加寶飾冊皇太子儀皇
太子冠遠遊服絳紗袍

親王遠遊冠陪祭朝饗拜表大事服之冠三梁加金附蟬黑介幘青綾導絳紗單衣白紗中單皂
領襖裾白裙襦革帶鈎躡假帶曲領方心絳紗蔽膝鞵烏劍佩綬二品以上同

諸王遠遊冠三梁黑介幘青綾

三品以上進賢冠三梁寶飾

五品以上進賢冠二梁金飾

九品以上進賢冠一梁無飾

七品以上去劍佩綬

八品以下同公服

公服勘箭儀閣使公服繫履遼國常用公服矣

皇帝翼善冠朔視朝用之柘黃袍九環帶白練裙襦六合鞞

皇太子遠遊冠五日常朝元日冬至受朝服絳紗單衣白裙襦革帶金鈎鞞假帶方心紛鞞囊白

鞞烏皮履

一品以下五品以上冠幘纓響導謁見東宮及餘公事服之絳紗單衣白裙襦帶鈎鞞假帶方心

鞞履紛鞞囊

六品以下冠幘纓響導去紛鞞囊餘竝同

常服遠國謂之穿執起居禮臣僚穿執言穿鞞執笏也

皇帝柘黃袍衫折上頭巾九環帶六合鞞起自宇文氏唐太宗貞觀己後非元日冬至受朝及大

祭祀皆常服而已

皇太子進德冠九琪金飾絳紗單衣白裙襦白鞞烏皮履

五品以上幘頭亦曰折上巾紫袍牙笏金玉帶文官佩手中算袋刀子礪石金魚袋武官鞞七

事佩刀刀子磨石契苾真噉厥計筒大石袋烏皮六合鞞

六品以下幘頭緋衣木笏銀帶魚袋佩鞞同

八品九品幘頭綠袍鍮石帶鞞同

以上並遼史儀衛志 續
典禮典續通志器服同

右漢服

遙輦氏之世受印于回鶻至耶瀾可汗請印於唐武宗始賜奉國契丹印太祖神冊元年梁幽州刺史來歸詔賜印綬是時太祖受位遙輦十年矣會同九年太宗伐晉末帝表上傳國寶一金印二天子符瑞於是歸遠遙輦氏更號要尼亦作約尼

傳國寶秦始皇作用藍玉螭紐六面其正面文受命于天既壽永昌魚鳥篆子嬰以上漢高祖王莽篡漢平皇后投璽殿階螭角微玷獻帝失之孫堅得于井中傳至孫權以歸于魏魏文帝隸刻肩際曰大魏受漢傳國之寶唐更名受命寶晉亡歸遼自三國以來僭偽諸國往往模擬私製歷代府庫所藏不一莫辨真偽聖宗開泰十年馳驛取石晉所上玉璽于中京興宗重熙七年以有傳國寶者爲正統賦試進士天祚保大二年遣傳國璽于桑乾河案契丹得傳國璽欲以歸宋太祖太祖不受曰吾無秦璽不害爲國

且亡國之餘何足貴乎契丹畏服

玉印太宗破晉北歸得于汴宮藏隨駕庫穆宗應歷二年詔用太宗舊寶

御前寶金鑄文曰御前之寶以印臣僚宣命 詔書寶文曰書詔之寶凡書詔批荅用之

契丹寶受契丹冊儀符寶即捧寶置御坐東 金印三晉帝所上其文未詳

皇太后寶制未詳天顯二年應天皇后稱制羣臣上璽綬冊承天皇太后儀符寶即奉寶置皇太后坐右

皇后印文曰皇后教印

皇太子寶未詳其制重熙九年冊皇太子儀中書令授皇太子寶

吏部印文曰吏部之印銀鑄以印文官制誥 兵部印文曰兵部之印銀鑄以印軍職制誥

契丹樞密院契丹諸行軍部署漢人樞密院中書省漢人諸行宮都部署印竝銀鑄文不過六字以

上以銀殊爲色

南北王以下內外百司印竝銅鑄以黃丹爲色諸稅務以赤石爲色

杓窠印杓窠鷲鳥之總名以爲印紐取疾速之義行軍詔賜將帥用之道宗賜耶律仁先鷹紐印卽

此以上並遼史儀衛志續通典禮典同

自大賀氏八部用兵則合契而動不過刻木爲牌合太祖受命易以金魚

金魚符七枚黃金鑄長六寸各有字號每魚左右判合之有事以左半先授守將使者執右半大小

長短字號合同然後發兵事訖歸于內府

案契丹國志金魚符調發兵馬其捉馬及傳命有銀牌二百軍所含有遠探關子馬以夜聽人馬之聲

銀牌二百面長尺刻以國字文曰宜速又曰勅走馬牌國有重事皇帝以牌親授使者手劄給驛馬

若干驛馬闕取它馬代法晝夜馳七百里其次五百里所至如天子親臨須索更易無敢違者使

回皇帝親受之手封牌印卽君收掌

案燕北錄曰銀牌有三道上或王下及契丹臣庶每年取初降雪時帶用

木契正面爲湯背面爲陰閭門喚仗則用之朝賀之禮宣徽使請陽面木契下殿至于殿門以契授

西上閭門使云授契行勅勅契官聲喏跪受契舉手勅契同俛與鞠躬奏內外勅契同閭門使云

准勅勘契行勘契官執陰面木契聲喏平身立少退近後引聲云重將門仗官齊聲喏勘契官云內出喚仗木契一隻准勅付左右金吾仗行勘契官云合不合門仗官云合凡再勘契官云同不同門仗官云同亦再勘契官近前鞠躬奏勘官左金吾引駕仗勾畫都知某官某對御勘同平身少退近後右手舉契云其契謹付閣門使進入閣門使引聲喏門仗官下聲喏勘契官跪以契授閣門使上殿納契宣徽使受契閣門使下殿奉勅喚仗

木箭內箭爲雄外箭爲雌皇帝行幸則用之還宮勘箭官執雌箭東上閣門使執雄箭如勘契之儀

詳具禮儀

以上並遼史儀衛志

右符印符契

十二神纛

十二旗

十二鼓

曲柄華蓋

直柄華蓋

遙輦末主遺制迎十二神纛天子旗鼓置太子帳前諸弟刺哥等叛勾德實縱火焚行宮皇后命曷古魯救之止得天子旗鼓太宗卽位置旗鼓神纛于殿前聖宗以輕車儀衛拜帝山

刺哥今作羅格勾德實今作尤

丹達實

渤海仗

天顯四年太宗幸遼陽府人皇王備乘輿羽衛以迎乾亨五年聖宗東巡東京留守具儀衛迎車駕

此故渤海儀衛也

並遼史儀衛志

續通典禮典同

右國仗

大賀失活入朝于唐安固兄弟繼之尚主封王飭觀上國開元東封邵固扈從又覽太平之盛自是朝貢歲至于唐遼始祖涅里立遙輦氏世爲國相目見耳聞歎企帝王之容輝有年矣遙輦致鼓纛於太祖帳前曾何足以副其雄心霸氣之所睥睨哉厥後交梁聘唐不憚勞動至於太宗立晉以要冊禮入汴而收法物然後累世之所願欲者一舉而得之太原擅命力非不敵席卷法物先致中京蹶棄山河不少顧慮志可知矣於是秦漢以來帝王文物盡入于遼周末按圖更製乃非故物遼之所重此其大端故特著焉

太宗會同元年晉使馮道備車輅法物上皇太后冊禮劉煦盧重備禮上皇帝尊號

三年上在薊州觀導駕儀衛圖遂備法駕幸燕御元和殿行入閣禮

六年備法駕幸燕迎導御元和殿

大同元年正月朔備法駕至汴上御崇元殿受文武百僚朝賀自是日以爲常

二月朔上御崇元殿備禮受朝賀

三月將幸中京鎮陽詔收鹵簿法物委所司押領先往未幾鎮陽入漢鹵簿法物隨世宗歸于土

京

四月皇太弟李胡遣使問軍事上報曰朝廷起居如禮是月太宗崩世宗卽位鹵簿法物備而不御

穆宗應歷元年詔朝會依嗣聖皇帝故事用漢禮

景宗乾亨五年二月神樞升輜輳車具鹵簿儀衛

六月聖宗至于上京留守具法駕迎導

聖宗統和元年車駕還上京迎導儀衛如式

三年駕幸上京留守具儀衛奉迎

四年燕京留守具儀衛導駕入京上御元和殿百僚朝賀是後儀衛常事史不復書

以上並遼史儀衛志續通典

禮典續通志器服同

右漢仗

步行擊執二千四百一十二人坐馬擊執二百七十五人坐馬樂人二百七十三人步行教坊人七十一人御馬牽攬官五十二人御馬二十六匹官僚馬牽攬官六十六人坐馬挂甲人五百九十人步行挂甲人百六十人金甲二人神輿十二人長壽仙一人諸職官等三百五人內侍一人引稍押衙二人赤縣令一人府牧一人府吏二人少尹一人司錄一人功曹一人太常少卿一人太常丞一人太常博士一人司徒一人太僕卿一人鴻臚卿一人大理卿一人御史大夫一人侍御史二人殿中侍御史二人監察御史一人兵部尙書一人兵部侍郎一人兵部郎中一人兵部員外郎一人符寶郎一人左右諸衛將軍三十五人左右諸折衝二十一人左右諸果毅二十八人尙乘奉御二人

人排仗承直二人左右夾騎二人都頭六人主帥一十四人教坊司差押羶二人左右金吾四人虞候仗

飛一十六人鼓吹令二人漏刻生二人押當官一人司天監一人令史一人司辰一人統軍六人千

牛備身二人左右親勳二人左右郎將四人左右拾遺二人左右補闕二人起居舍人一人左右諫

議大夫二人給事中書舍人二人左右散騎常侍二人門下侍郎二人中書侍郎二人鳴鞭二人內侍

差內侍中一人中書令一人監門校尉二人排列官二人武衛隊正一人隨駕諸司供奉官三十人三

班供奉官六十人通事舍人四人御史中丞二人乘黃丞二人都尉一人太僕卿一人步行太卜令

一人職官乘馬三百四匹進馬四匹駕車馬二十八匹人之數凡四千二百三十有九馬之數凡于

五百二十得諸本朝太常卿徐世隆家藏遼朝雜禮者如是至於儀注之詳不敢傳會云遼史儀衛志續通

典禮典續通 忠器服同

右園簿儀仗

食貨 屯田 水利田 陂渠 錢幣 戶口 奴婢 賦稅 役法 征商 鹽鐵

遼制凡在屯者力耕公田不輸賦稅續通考 田賦考

初皇祖勻德實為大迭烈府夷离堇喜稼穡善畜牧相地利以教民耕仲父述瀾為于越飭國人樹

桑麻習組織太祖平諸弟之亂弭兵輕賦專意於農嘗以戶口滋繁糺轄疎遠分北大濃兀為二部

程以樹藝諸部效之太宗會同初將東獵三寇奏減輜重疾趨北山取物以備國用無害農務尋詔

有司勸農桑教紡績遼史食貨志

太宗會同三年詔於諸里河臚胸河之近地給賜南院鄂津圖嚙伊遜巴勒北院烏納哈喇錫林爲

農田

遼史食貨志續
通典食貨典同

會同五年正月詔以契丹分屯南邊

遼史食貨志續
通典食貨典同

聖宗統和十二年十二月賜南京統軍司貧戶耕牛

續通典
食貨典

統和中蕭達林爲西北路招討使以準布都落伺隙而動欲增戍兵又恐餽餉不給問於耶律昭昭以書答曰竊聞治得其要則仇敵爲一家失其術則部曲爲行路夫西北諸部每當農時一夫爲偵候一夫治公田二夫給紮官之役大率四丁無一室處芻牧之事仰給妻孥一遭寇掠貧窮立至春夏賑恤更多雜以糠粃重以楛克不過數月又復告困且商牧者富國之本有司防其隱沒聚之一所不得各就水草便地兼以逋亡戍卒隨時補調不習風土故日瘠月損馴至耗竭爲今之計若賑窮薄賦給以牛種使遂耕穫置游兵以防盜掠頒俘獲以助伏臘散商牧以就便地期以數年富彊可望然後練簡精兵以備行伍何守之不固何動而不克哉

續通典食貨典續
通考田賦考同

統和中沿邊各置屯田戍兵易田積穀以給軍餼

遼史食貨志

乾亨六年徙吉避寨居民三百戶于檀順薊三州擇沃壤給牛種穀

遼史食貨志
按聖宗無乾亨年號今食貨志稱乾亨六年疑

統和六年之誤也

七年詔括民田又詔燕樂密雲二縣荒地許民耕種免賦役十三年詔昌平懷柔等縣諸人請業荒地十五年詔諸道勸民種樹又詔品部曠地令民耕種又募民耕澧州荒地免其租賦續通典食貨典

太平七年六月禁屯田不得擅貸官粟

續通考田賦考

興宗初命耶律唐古勸督耕稼以給西軍

續通考田賦考

時西番來侵詔議守禦計命唐古率眾田臚胸河側是歲上熟明年移屯鎮州凡十四稔積粟數十

萬斛斗米數錢

續通考田賦考

按唐古本傳統和二十四年補小將軍遷豪州刺史唐古部詳袞重熙間改烏延覓項部節度使

四年致仕其屯田臚胸河及移屯鎮州事俱在重熙前而食貨志則云道宗初年時唐古致仕已

二十年兩文互異當以傳爲是

續通考田賦考按語

重熙十三年四月詔遷南北府兵富者援山西路餘屯田于天德軍

續通考田賦考

至道宗太安末太子洗馬劉輝上言西邊諸番爲患士卒遠戍中國之民困于飛輓非長久之策爲

今之計莫若城鹽堞實以漢戶使耕田聚糧以爲西北之言雖不行識者韙之

續通考田賦考

右屯田

太宗會同初詔以烏爾古之地水草豐美命謬爾昆錫林居之益以海勒水之善地爲農田

續通考田賦考

道宗清寧十年禁南京泱水大安四年禁民挾私引水犯田

續通考田賦考

右水利田

聖宗統和十五年弛東京魚藻之禁末帝乾統三年弛武清縣陂澤之禁

續通典食貨典類
通志食貨略同

右陂渠

太祖鑄天贊通寶錢

續通考
錢幣考

初太祖父德祖薩勒題為額爾奇木以土產多銅始造錢幣太祖襲而用之遂致富強以開帝業

洪遵泉志曰契丹主安巴堅天贊錢徑九分重二銖六參

續通考
錢幣考

太宗置五冶太師以總四方錢鐵

遼史食
貨志

會同二年正月晉遣使謝免沿邊四州錢幣

續通考
錢幣考同

謹按是時晉輸歲幣於遼并獻沿邊所積錢以備軍實是年遼特免之故遣使來謝耳則大得

中國之錢以資用可知

續通考
錢幣考按語

穆宗鑄應曆重寶錢

續通考
錢幣考

景宗鑄乾亨重寶錢

續通考
錢幣考

食貨志曰景宗以舊錢不足於用始鑄新錢錢用流布

遼史食
貨志

趙至忠雜記曰景宗朝置鑄錢院年額五百貫

續通考
錢幣考

聖宗鑄太平元寶錢又鑄太平興寶錢 先是統和十四年鑿大安山取劉守光所藏錢散諸五計

司至是兼鑄太平錢新舊互用續通考
錢幣考

統和中又出內藏錢賜南京諸軍司又以官錢宴享軍士續通志
食貨略

興宗鑄重熙通寶錢 泉志曰重熙錢徑九分重三銖 宋史食貨志曰慶厯間當遼興
宗時契丹亦鑄

鐵錢易竝邊銅錢又鄭价使契丹還言其給輿箱者錢皆中國所鑄乃增嚴三路關出之法續通考
錢幣考

重熙二十二年閏七月長春州置錢帛司 以諸坑冶多在國東故東京置戶部司長春州置錢帛

司時錢不勝多故東京所鑄至清寧中方用續通考
錢幣考

道宗清寧二年閏三月始行東京所鑄錢 九年正月禁民鑿銅 遼史二國外紀曰清寧九年正

月禁民鑿銅於夏又食貨志曰是時詔禁諸路不得貨銅鐵以防私鑄又禁銅鐵賣入回鶻法益嚴

矣續通考
錢幣考

太康十年六月禁毀銅錢為器續通考
錢幣考

大安三年五月海雲寺進濟民錢千萬 食貨志曰道宗末年經費浩穰鼓鑄仍舊國用不給故雖

以海雲佛寺千萬之助受而不拒續通考
錢幣考

四年七月禁錢出境 遼史刑法志曰先是南京三司銷錢作器皿三斤持錢出南京十貫者處死

至興宗重熙元年銅逾三斤持錢二十貫以上處死 又食貨志曰道宗之世錢有四等曰咸雍曰

太康曰大安曰壽隆皆因改元易名其肉好銖數無所考 泉志曰道宗清寧錢徑九分重三銖文

曰清寧通寶又太康錢有二品竝徑九分重二銖四參以太康通寶太康元寶爲文又大安錢徑八分重二銖八參文曰大安元寶又壽昌錢徑九分重二銖四參文曰壽昌元寶

續通考錢幣考

謹按遼史道宗錢四等一曰咸雍而不及清寧蓋偶遺之洪志之壽昌乃壽隆之譌至遼史謂肉好銖數無考而泉志乃詳言之則史家疏也

續通考錢幣考按語

天祚帝鑄乾統元寶錢又鑄天慶元寶錢 泉志曰乾統錢徑寸重三銖二參天慶錢徑九分重二銖四參又曰自天贊以下九品皆契丹年號又千秋錢徑三分文曰千秋萬歲董道曰遼國錢也

食貨志曰天祚之世更鑄乾統天慶二等新錢而上下窮困府庫無餘積矣

續通考錢幣考

西遼壽昌元寶錢

續通考錢幣考

謹按李季興東北諸蕃樞要曰契丹天祐年號壽昌據遼史天祚帝紀百官冊立耶律達實爲

帝上尊號曰天祐皇帝改元延慶無壽昌紀元之語或正史遺之而樞要別有所據

續通考錢幣考按語

西遼感天元寶錢

天祐帝在位二十年遺命皇后權國稱制號感天皇后此錢蓋其時所鑄

續通考錢幣考

幣考

道宗之世詔楊遵勗戶部司連戶舊錢得四十餘萬緡拜樞密直學士劉伸爲戶部使歲入羨餘錢三十萬緡擢南院樞密使其以災沴出錢以振貧乏及諸宮分邊戍人戶是時雖未有貫朽不可較之積亦可謂富矣至其末年經費浩穰鼓鑄仍舊國用不給

遼史食貨志

西遼耶律達什時復鑄新錢做遼初之製而異其篆

續通志
食貨略

右錢幣

遼時戶口之數不甚可考據地理志所載五京道民戶僅得五十餘萬諸州縣不可計者尙多

按遼史營

衛兵衛志載有宮衛之戶曰正戶曰蕃漢轉戶共二十萬三千丁四十萬八千又有五京鄉丁其可考見者約一百一十萬七千三百爲鄉兵并附錄於此

續通志食貨略

遼建五京幅員萬里其戶丁之可見者有五京鄉丁諸宮衛戶丁

按高麗戶五京鄉丁互見營衛兵衛門

五京鄉丁者臨潢爲上京丁一十六萬七千二百遼陽爲東京丁四萬一千四百遼西爲中京丁籍

莫考可見者高州三韓一縣丁一萬蕃漢轉戶爲多

以上三道應丁二十一萬八千六百兵衛志則云二十二萬六千一百與細數不同

析津

爲南京丁五十六萬六千大同爲西京丁三十二萬二千七百

以上二道應共丁八十八萬八千七百兵衛志則云八十萬六千七百與

細數不符契丹本戶多隸宮帳部族其餘蕃漢戶丁分隸者皆不與焉大約五京民丁可見者一百一十萬七千三百

以細數考之應爲一百一萬二千三百當有小誤

爲鄉兵諸宮衛戶丁者遼國之法天子踐位則置宮衛分州

縣析部族設官府籍戶口備兵馬太祖曰弘義宮

正戶八千轉戶七千正丁一萬六千轉戶一萬四千

太宗曰永興宮

正戶三千轉戶

七千正丁六千轉丁一萬四千世宗曰積慶宮

正戶五千轉戶八千正丁一萬六千轉戶一萬四千

應天皇帝曰長寧宮

正戶七千轉戶六千正丁一萬四千轉丁

一萬穆宗曰延昌宮

正戶一千轉戶三千正丁二千轉丁六千

景宗曰彰愍宮

正戶八千轉戶一萬正丁一萬六千轉丁二萬

承天太后曰崇德

宮

正戶六千轉戶一萬正丁一萬二千轉丁二萬

聖宗曰興聖宮

正戶一萬轉戶二萬正丁二萬轉丁四萬

興宗曰延慶宮

正戶七千轉戶一萬正丁一萬四千轉丁

二道宗曰太和宮

正戶一萬轉戶二萬正丁二萬轉丁四萬

天祚帝曰承昌宮

正戶七千轉戶一萬正丁一萬四千轉丁二萬

孝文皇帝曰敦

睦宮

正戶三千轉戶五千文忠王府正戶五千轉戶八千正凡十二宮一府爲正戶八萬蕃漢轉戶

十二萬四千共二十萬四千戶爲正丁十六萬蕃漢轉丁二十四萬八千凡諸宮衛人丁四十萬八

千續通考
戶口考

謹按遼時戶口史無明文地理志雖載有戶然各郡縣戶總計之不過五十五萬有奇而或詳

或闕或云分隸於宮府而無其數今以營衛志戶數參校兵衛志丁數大率以兩丁爲一戶正

戶八萬者其丁卽爲十六萬蕃漢轉戶十二萬四千者其丁卽爲二十四萬八千至五京民丁

有隸宮府者有不隸於宮府者然每戶亦不過兩丁因五京民丁之可見者止一百一十萬七

千三百故五京之戶亦止五十五萬有奇也蓋有丁數見於兵志者地理志始載其戶無丁者

舉闕之耳

如兵志云上京臨潢縣丁七千地志卽云戶三千五百長泰縣丁八千地志卽云戶四千渤海興仁二縣無丁地志卽不言戶數其餘四京類然不然中京

道統縣九轄軍府州城二十三豈有獨載三韓一縣戶丁之理葉隆禮契丹國志謂東京戶口

三十萬其說似爲近之餘俱不可考矣

續通考戶口考按語

太祖壬戌歲

唐天復二年

七月攻下河東河北九郡獲生口九萬五千 癸亥歲春伐女直獲其戶三百

乙丑歲十月以兵助唐河東節度使李克用擊劉仁恭拔數州盡徙其民以歸

五年正月東西奚五部盡入版籍 先是德祖俘奚七千部徙饒樂之清河哈陶津汗時創爲奚德

勒部分十二縣至太祖卽位後親征西部奚下之復分兵平東部奚於是盡有奚舊之地東際海南

暨白檀西踰松漠北抵潢水凡五部咸入版籍

神冊元年七月平突厥吐渾黨項小蕃沙陀諸部俘其戶萬五千六百 至八月拔朔州十一月攻蔚新武嬀儒五州俘獲不可勝計自代北至河曲踰陰山盡有其地

四年二月修遼陽故城以漢民渤海戶實之 時帝初得韓延徽命參軍事延徽請樹城郭分市里以居漢人之降者又爲定配偶教樹藝以生養之以故逃亡者少

十月破烏爾古部俘獲生口萬四千二百舉部來附

謹按兵衛志載是年親征裕庫喀國俘獲之數與此正同蓋卽一事也

五年十月徙晉天德軍之民於陰山南 至六年十一月略檀順安遠三河良鄉望都潞滿城遂城等十餘城俘其民徙內地十二月徙晉新州防禦使王郁所部於潢水之南徙檀順民於東平瀋州天贊元年十月以戶口滋繁糺轄疏遠分北邊寧額爲二部立兩節度以統之 三年五月徙薊州民實遼州地 十月盡取西鄙諸部有其眾 初神冊五年黨項諸部叛帝親征俘生口二千六百至是復大征吐渾黨項準卜等部擊索歡納山東部族破之遣騎攻準卜略地西南又破呼穆蘇山諸蕃部又遣兵踰流沙拔浮圖城西鄙諸部悉爲遼有

天顯元年正月拔渤海扶餘城議括戶口太子倍諫止之 時欲括戶口倍諫曰今始得地而料民

民必不安從之既平渤海地方五千里五京十五府六十二州盡有其眾國境益大

以上並續通考戶口考

太宗時籍五京戶丁以定賦稅

謹按聖宗統和二十五年建中京興宗重熙十三年升雲州爲西京而五京之稱始備此時尙

未有也與前天顯元年稱五京同誤

天顯三年

太宗卽位不改元

十二月遣耶律羽之遷東丹民以實東平

初天顯元年渤海平立皇太子倍

爲東丹王以羽之爲中臺省右次相帝卽位羽之上表曰渤海昔畏南朝阻險自衛居輝罕城今去上京遼遠旣不爲用又不罷戍果何爲哉先帝因彼離心不戰而克天授人與彼一時也遣種寔以蕃息今居遠境恐爲後患梁水之地乃其故鄉地衍土沃有木鐵鹽魚之利乘其微弱徙還其民萬世長策也彼得故鄉又獲美利必安居樂業然後選徙以翼吾左突厥党項室韋夾輔吾右可以坐制南邦混一天下表奏帝嘉納之是歲詔徙東丹國民於梁水其民或亡入新羅女直詔因乏不能遷者許上國富民給贖而隸屬之

謹按義宗傳曰倍旣讓位於太宗太宗見疑以東平爲南京徙倍居之盡遷其民又置衛士陰

伺動靜是東平之徙實欲制倍耳非僅爲渤海遺民計也

續通考食貨按語

四年二月閱約尼氏戶籍

會同元年十一月晉主以幽薊瀛莫涿檀順嬀儒新武雲應朔寰蔚十六州并圖籍來獻二年十月以烏爾古部水草肥美詔南北院徙三錫林戶居之九年三月吐谷渾遣使獻生口千戶

大同元年四月得晉歸順州七十六處戶一百九萬一百一十八

謹按五代史石氏入立獻十有六州於契丹而得蜀金州又增置之州一合一百九州以爲晉

劉氏之初秦鳳階成復入於蜀隱帝時增置之州一合一百六州以爲漢是晉亡後除四州外

其地盡歸於漢此所得七十六處之戶第就歸順時紀其數耳實未嘗爲遠有也

以上並續通考戶口考

景宗保寧三年十一月臚胸河裕悅楊尼哩等率戶四百來附乞隸宮籍詔留其戶分隸敦睦積慶

永興三宮

聖宗統和元年二月南京統軍使耶律善補奏宋邊七十餘村來附詔撫存之 五月善補又招亡

入宋者得千餘戶歸國詔令撫慰 三年八月令乾顯二州上所部里社之數 四年正月討女直

獲生口十餘萬 太平六年二月東京留守巴格奏黃嗣得女直降戶二百七十詔獎諭之至興宗

重熙九年十二月以所獲女直戶置肅州 十月命巡檢西山四州人民 政事令室昉奏西山四

州自宋兵後人民轉徙盜賊充斥乞下有司禁止命新州節度使選人分道巡檢 七年正月破宋

易州邊易州軍民於燕京道涿州刺史護送易州降人八百還隸本貫 時宋雜壁砦守將郭榮率

眾來降砦民二百戶徙居檀順薊三州復分八戶隸飛狐 八年七月詔併省東京路州縣以其民

分隸他郡 時置定霸保和宣化洪理廣義長慶安德七縣省州十縣八 九年七月通括戶口

至十五年三月通括宮分人戶二十一年十一月通括南院部民 十三年四月詔諸道民戶應歷

以來皆從爲部曲者仍籍州縣 至興宗重熙十年二月詔博羅滿達部歸哈斯罕之沒入者使復業 十四年三月詔安集朔州流民 十五年二月徙梁門遂城泰州北平民於內地 至二十五年城中京實以漢戶開泰八年五月遷寧州渤海戶於遼土二河之間至興宗重熙時詔徙富民以實春泰二州權中京副留守劉伸以爲不可奏罷之

開泰二年四月詔以韓斌所括贍國達魯河奉豪等州戶二萬五千四百有奇置長霸興仁保和等十縣

謹按上統和八年七月置七縣內已有保和地理志亦云統和八年置則此文疑悞

四年四月徙伊濟等部眾於臚胸河 時伊濟既平議內徙其眾伊濟安土重遷遂叛乃誘其眾并

達魯特所獲薩木實部民城臚胸河上以居之

以上並續通考戶口考

興宗重熙八年六月詔括戶口 時以天下無事戶口蕃息遂有南伐之志北院樞密使蕭孝穆諫

不報 十二年六月詔漢人宮分戶絕恆產以親族繼之

以上並續通考戶口考

道宗大康九年六月詔諸路檢括脫戶罪至死者原之 先是朝廷遣使括三京隱戶不得以東京

留守耶律音濟

原名引吉

代之得四千餘戶至是復有是詔

續通考戶口考

馬人望爲三司度支判官會檢括戶口未兩旬而畢同知留守蕭保先怪而問之人望曰民戶若括

之無遺他日必長厚斂之弊大率十得六七足矣保先謝曰君慮遠吾不及也

遼史能吏傳

大安三年二月以歲潦饑民多流散除安泊逃戶徵償法 十年六月禁邊民與蕃部爲婚
嘉隆四年正月徙準卜等貧民於山前

天祚帝天慶三年三月籍諸道戶徙達里庫山圍場地居民於別土

以上並續通考戶口考

右戶口

遼太宗天顯五年二月以所俘渤海戶賜魯呼 至世宗天祿元年八月以崇德宮戶分賜翼戴功臣及北院大王耶律洼南院大王耶律吼各五十耶律安圖楚布各百穆宗應曆十八年九月以掖庭戶賜耶律伊勒格聖宗統和四年六月以伐宋所俘生口賜皇族及乳母又以太尉所俘生口分賜趙妃及裕悅達年伊囉幹十二年以王繼忠講宋和好家無奴隸賜宮戶三十二十九年二月以伐高麗所俘人分置諸陵廟餘分賜內戚大臣及太平中以宮戶十有五賜契丹宮都部署蕭德道宗咸雍時以耶律袞廉貧賜宮戶十又以耶律伊遜先朝任使賜漢人戶四十

聖宗統和七年二月詔南征所俘有親屬分隸諸帳者給官錢贖之

開泰元年十二月詔諸道水災饑民質男女者起來年正月日計備錢十文價折備盡遣還其家
興宗重熙十五年正月禁契丹以奴婢鬻與漢人違者重治之

以上並續通考戶口考

右奴婢

遼賦稅之制自太祖任韓延徽始制國用太宗籍五京戶丁以定賦稅聖宗太平七年詔諸在屯者

力耕公田不輸稅賦此公田制也十五年募民耕灤河曠地十年始納租此在官閒田制也又詔山前後未納稅戶並於密雲燕樂兩縣占田置業入稅此私田制也各部大臣從上征伐俘掠人戶自置郭郭爲頭下軍州凡市井之賦卽歸之此頭下軍州賦制也其餘若南京歲納三司鹽鐵錢折絹大同歲納三司稅錢折粟又開遠軍民歲輸稅向例斗粟折五錢耶律穆濟守郡時表請折六錢各隨地異宜當時稱爲利民之政焉

續通考
征權考

右賦稅

太宗會同元年二月詔增晉使所經供億戶二年閏七月罷南北府民上供及宰相節度諸賦役非舊制者

景宗乾亨時詔云爲戶均差

遼國語解云爲
卽管運字之訛

時以上京云爲戶賞具實饒善避徭役遺害貧民遂

勒各戶凡子錢到本悉送歸官與民均差

聖宗統和三年三月以契丹諸役戶多困乏以富戶代之從樞密院請也帝因閱諸部籍納喇威二部戶少而役重者並量免之

謹按邊役最重者莫如邊戍統和時耶律昭答蕭達林問邊事書云西北諸部每當農時一夫爲偵候一夫治田二夫給糶官之役

糶軍名也

大率四丁無一室處芻牧之事仰給妻孥夫農時且

然則終歲之民勞可知已

開泰四年四月哈斯罕部請括女直王蘇扎納戶舊無籍者會其丁入賦役從之

興宗重熙八年六月籍天下戶口以均賦役 從北院樞密使蕭孝穆請也自是政賦稍平 時蕭
烏頁爲德喀勒部節度使恤困窮省徭役不數月部民以安 遼史文學傳曰重熙時詔天下言治
道之要制問今之徭役何者最重何者尤苦何所蠲省則爲便益補役之法何可以復彰愍宮使蕭
罕嘉努對曰臣伏見比年以來高麗未賓準布猶強戰守之備誠不容已乃者選富民防邊自備糧
糗道路修阻動淹歲月比至屯所費已過半隻牛單穀鮮有還者其無丁之家倍值傭儻人憚其勞
半途亡竄故戍卒之食多不能給求假於人則十倍其息至有鬻子割田不能償者或逋役不歸在
軍物故不復補以少壯其鴨綠江之東戍役大率如此況渤海女直高麗合從連橫不時征討富者
從軍貧者偵候加之水旱菽粟不登民以日困蓋勢使之然也方今最重之役無過西戍如無西戍
雖遇凶年困弊不至於此若能徙西戍稍近則往來不勞民無深患諸部皆有補役之法昔補役始
行居者行者類皆富實故累世從戍易爲更代近歲邊虞數起民多匱乏旣不任役事隨補隨缺苟
無上戶則中戶當之曠日彌年其窮益甚所以取代爲艱也非惟補役如此在邊戍兵亦然欲爲長
久之計莫若使遠戍疲兵還於故鄉薄其徭役使人人給足則補役之道可以復故也

道宗壽隆三年六月詔每冬駐蹕之所宰相以下構宅者毋役其民

時大公鼎爲瀋陽觀察判官遼東雨水傷稼北樞院大發瀕河丁壯以完隄防有司承令峻急公鼎

獨曰邊障甫寧大興役事非利國便農之道乃疏奏其事朝廷從之罷役水亦不爲災改良鄉令省徭役務農桑部民服化馬人望爲松山縣令歲運澤州官炭獨役松山人望請於中京留守均役他邑以聞於朝得從所請天祚時拜南院樞密使當時民所甚患者驛遞馬牛旗鼓鄉正廳隸倉司之役至破產不能給人望使民出錢官自募役時以爲便

以上並續通考職役考

右役法

征商之法則自太祖置羊城於炭山北起榷務以通諸道市易太宗得燕置南京城北有市百物山稱命有司治其征餘四京及它州縣貨產懋遷之地置亦如之東平郡城中置看樓分南北市禺中交易市北午漏下交易市南雄州高昌渤海亦立互市以通南宋西北諸部高麗之貨故女直以金帛布蜜蠟諸藥材及鐵馬鞣鞞于厥等部以蛤珠青鼠貂鼠膠魚之皮牛羊馳馬毳罽等物來易於事者道路纒屬聖宗乾亨間燕京留守司言民艱食請弛居庸關稅以通山西糴易又令有司諭諸行宮布帛短狹不中爲度者不粥於市明年詔以南北府市場人少宜率當部車百乘赴集開奇峯路以通易州貿易二十三年振武軍及保州並置榷場時北院天王耶律室魯以俸羊多闕部人貧乏請以羸老之羊及皮毛易南中之絹上下爲便至天祚之亂賦斂既重交易法壞財日匱而民日

困矣

遼史食貨志 按聖宗乾亨通典作聖宗統和誤今從遼史本志

聖宗統和二十三年置榷場於振武軍

開泰二年詔貴德龍化儀坤雙遼同祖七州一例征商

右征商

坑冶則自太祖始併室韋其地產銅鐵金銀其人善作銅鐵器又有曷朮部者多鐵曷朮國語鐵也
部置三冶曰柳瀛河曰三黜古斯曰手山神冊初平渤海得廣州本渤海鐵利府改曰鐵利州地亦
多鐵 東平縣本漢襄平縣故地產鐵卽置採煉者二百戶隨賦供納 以諸坑冶多在國東故東

京置戶部司長春州置錢帛司太祖征幽薊師還次山麓得銀鐵卽命置冶聖宗太平間於潢河北
陰山及遼河之源各得金銀卽與冶採煉自此以訖天祚國家皆賴其利遼史食貨志

遼太祖時以所得漢民數多卽八部中分古漢城別爲一部治城在炭山南有鹽池之利卽後魏滑
鹽縣也八部皆取食之及征幽薊還次於和拉漢命取鹽給軍自後漢中鹽益多上下足用太宗會
同初晉獻十六州地而瀛莫在焉始得河閒煮海之利置榷鹽院於香河縣於是燕雲迤北暫得滄
鹽一時產鹽之地如渤海鎮城海陽豐州陽洛城廣濟湖等處五京計司各以其地領之

遼太祖父色勒迪始置鐵冶教鼓鑄太祖併室韋其地產銅鐵其人善作銅鐵器又有哈準部多鐵
部置三冶及征幽薊師還次山麓得銀鐵命置冶後得東平縣本漢襄平縣故地產鐵置采鍊者三
百戶隨賦供納及征渤海遷其民於遼城建長樂縣民四千戶令一千戶納鐵又廣州本渤海鐵利
府太祖改曰鐵利州亦多鐵置冶興宗重熙二年禁夏國使沿路私市金鐵道宗清寧八年禁南京

不得私貨鐵咸雍六年禁鬻生熟鐵於回紇卓木布等界

以上並續通考征權考

右鹽鐵

聖宗統和中遼東新附地不榷酤而鹽麩之禁亦弛

遼史食貨志

遼制酒稅皆赴納上京遼東新附之地不榷酤又禁職官不得擅造酒糜穀有事用酒則有司給文始聽

遼自神冊以來未有榷酤之法自馮延休韓紹勳建議乃興酒稅東遼之地與南京諸路一例然諸稅皆納于頭下軍州唯酒稅課納上京

以上並續通考征權考

右權酤

聖宗統和十二年耶律隆運爲大丞相以南京歲不登請免百姓農器錢

耶律隆運傳

右雜稅

聖宗統和十三年令郡縣置義倉歲秋熟社民隨所獲戶出粟儲倉遇歲歉發以振民後東京蘇復辰海同銀烏遂春泰等五十餘城內沿邊諸州各有和糴倉依聖宗法出舊易新所在無慮二三十萬石雖累兵興未嘗乏用後至道宗太康時耶律孟簡以中京饑減價糴粟以振民

續通志食貨略遼史耶律孟簡

傳同按道宗太康四字孟簡傳作天祚帝乾統

右平糴常平義倉

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

聖宗太平九年燕地饑戶部副使王鼎請造船募習海漕者移遼東粟餉燕後因道險不便而止續

志食
貨略

右漕運

遼五

刑法

刑制 詳識 決斷 考試
守正 寬恕 峻酷 贖刑

遼以用武立國禁暴戾莫先於刑國初制法有出於五服三就之外者兵之勢方張禮之用未遑也及阻午可汗知宗室雅里之賢命為夷萬董以掌刑辟豈非士師之官非賢者不可為乎太祖太宗經理疆土擐甲之士歲無寧居威厥愛理勞然也子孫相繼其法互有輕重中間能審權宜終之以禮者惟景聖二宗為優耳

遼史刑
法志上

遼自蘇爾威汗命宗室雅里為額爾奇木以掌刑辟太祖初年庶事草創犯罪者量輕重決之其後治諸弟逆黨權宜立法親王從逆不罄諸甸人或投高崖殺之淫亂不軌及逆父母者五車轆殺之誣詈犯上者以熟錐搯其口殺之從坐者量罪輕重杖決杖有二大者重錢五百小者二百又為梟磔生瘞射鬼箭砲擲支解之刑

遼史刑法志
續通典刑典同

太祖初年下詔曰朕自北征以來四方獄訟積滯頗多今休戰息民羣臣其副朕意詳決之無或冤枉乃命北府宰相蕭敵魯等分道疏決有遼欽恤之意昉見于此

遼史刑
法志

遼之刑制凡四曰死曰流曰徒曰杖死刑有絞斬凌遲之屬又有籍沒之法流刑量罪輕重真之邊城部族之地遠則投諸境外又遠則罰使絕域徒刑一曰終身二曰五年三曰一年半終身者決五

百其次遞減百杖刑自五十至三百凡杖五十以上者以沙袋決之其制用熟皮合縫之長六寸廣二寸許柄一尺許又有黥刺之法木劔大棒鐵骨朶之制木劔面平背隆大臣犯重罪欲寬宥則擊之其數與大棒俱三百十五至三十鐵骨朶之數或五或七有重罪者將決以沙袋先於肱骨之上及四周擊之拷訊之具有纍細杖及鞭烙法纍杖之數二十細杖之數三百二十至於六十鞭烙之數凡烙三十者鞭二百烙五十者鞭五百被告諸事應伏而不服者以此訊之品官公事誤犯民年七十以上十五以下犯罪者聽以贖論贖銅之數杖一百者輸錢千亦有八議八縱之法籍沒之法內外戚屬及世官之家犯叛逆等罪沒入幹里餘人則沒爲著帳戶其沒入宮分及分賜臣下者亦有之太祖初年庶事草創犯罪者量輕重決之其後治諸弟逆黨權宜立法親王從逆不替諸甸人或投高崖殺之淫亂不軌者五車輾殺之逆父母者視此誣詈犯上者以熟鐵錐堵其口殺之從坐者量罪輕重杖決杖有一大者重錢五百小者二百又爲梟磔生瘞射鬼箭砲擲支解之刑歸於重法神冊六年五月詔大臣定治契丹及諸夷之法漢人則斷以律令仍置鍾院以達民冤至太宗時治渤海人一依漢法餘無改焉穆宗應歷十二年國舅帳郎君蕭延之奴哈里彊陵伊喇都哩未及年之女以法無文加之宮刑仍付都哩以爲奴因著爲令十六年諭有司凡行幸頓次必高立標識以禁行者令民勿犯違者以死論景宗保寧三年以穆宗廢鍾院窮民有冤者無所訴故詔復之仍命鑄鐘紀詔其上道所以廢置之意聖宗統和元年二月禁所在官吏軍民不得無故聚眾私語及

冒禁夜行違者坐之四月樞密院請詔北府司徒佛德譯南京所進律文從之十一月詔民間有父母在別籍異居者聽隣里覺察坐之先是契丹及漢人相毆致死其法輕重不均至是一等科之九年閏月遣翰林承旨邢抱朴三司使李嗣給事中劉京政事舍人張幹南京副留守吳浩分決諸道滯獄十二年詔契丹人犯十惡亦斷以漢律舊法死囚屍市三日至是一宿即聽收瘞譟叛逆之家兄弟不知情者雖同居亦免連坐著爲令二十四年詔主非犯謀反大逆及流死罪者其奴婢無得告首若奴婢犯罪至死聽送有司其主無得擅殺二十九年以舊法宰相節度使世選之家子孫犯罪徒杖如齊民惟免黥面詔自今犯罪當黥即准法同科開泰八年詔竊盜贓滿二十五貫者其首處死從者決流始置大理寺少卿及正主覆奏猶慮其未盡而親爲錄囚數遣使詣諸道錄囚五院部民有自壞鎧甲者其長杖殺之帝怒其用法太峻詔奪官以故不敢酷撻五院部民偶遭火延及木葉山兆域法當死杖而釋之因著爲法又詔自今三犯竊盜者黥額徒三年四則黥面徒五年至於五則處死太平六年詔貴戚以事被告官司不案輒申及受請託爲奏言者以本犯人罪罪之七年詔中外大臣曰制條中有遺闕及輕重失中者其條上之議增改焉興宗重熙元年詔職事官公罪聽贖私罪各從本法子弟及家人受賕不知情者止坐犯人先是南京三司銷錢作器皿三斤持錢出南京十貫及盜遺火家物五貫者處死至是銅逾三斤持錢及所盜物二十貫以上處死二年詔自後犯終身徒者止刺頸奴婢犯逃若盜其主物主無得擅黥其面刺臂及頸者聽犯竊盜者初

刺右臂再刺左三刺頸之右四刺左至於五則處死五年新定條制成詔有司凡朝日執之仍頒行諸道蓋纂修太祖以來法令參以古制其刑有死流杖及三等之徒而四凡五百四十七條十年七月詔諸職官私取官物者以正盜論敢以先朝已斷事相告言者罪之諸帳郎君等於禁地射鹿決杖三百不徵償小將軍決二百已下至百姓犯者決三百十一年七月詔盜易官馬者減死論

按盜易官

馬事據本紀在私取官物禁地射鹿之後
刑法志誤列在五年前後外錯今正之

道宗清寧元年詔諸官都部署有投訴訛之書其受及讀

者皆棄市二年命諸郡長吏如諸部例與僚屬同決罪囚無致枉死獄中又詔自今凡強盜得實者聽即決之四年復詔左伊勒希巴曰比詔外路死刑聽所在官司即決然恐未能悉其情或有枉者自今雖已欵伏仍令附近官司覆問無冤然後決之有冤者即具以聞咸雍元年詔獄囚無家者給

以糧三年詔給諸路囚糧

續通志
刑法略

咸雍六年以契丹漢人風俗不同國法不可異施乃命惕隱蘇樞密使乙辛等更定條制合於律令者具載之不合者別存之時校定官司即重熙舊制更竊盜賊二十五貫處死一條增至五十貫又刪其重複者二條爲五百四十五條取律一百七十三條又創增七十一條凡七百八十九條增重編者至千餘條復以律及條例參校續增三十六條其後因事續校至大安三年止又增六十七條大安五年詔復用舊法餘有司新纂條目悉除之

續通典
刑典

謹按遼初以武立國用法尙嚴一切刑制有出五服三就外者其時庶事草創法制未立用以

禁暴戢姦威厥愛勢使然耳景聖二宗加意詳慎更定法令輕重適宜史稱開秦之閒諸道
獄空有刑措之風焉及季世球患無策專尙殘酷舍景聖之善制而法先代之嚴刑不知時異
勢殊開國權宜之令固不可用於法制既定之後也夫刑以弼教用得其宜雖嚴而民服刑失
其當而欲以嚴威止亂不幾於抱薪而救火耶續通志刑法略按語

聖宗太平六年下詔曰朕以國家有契丹漢人故以南北二院分治之蓋欲去貪枉除煩擾也若貴
賤異法則怨必生夫小民犯罪必不能動有司以達於朝惟內族外戚多恃恩行賄以圖苟免如是

則法廢矣遼史刑志

道宗太康元年北院樞密使耶律乙辛等用事宮婢單登等誣告宣懿皇后乙辛以聞卽詔乙辛劾
狀因實其事上怒族伶人趙惟一斬高長命皆籍其家仍賜皇后自盡二年乙辛又與其黨謀構昭
懷太子陰令右護衛太保耶律查刺告知樞密院事蕭速撒等八人謀立皇太子詔案無狀出速撒
達不也外補流護衛撒撥等六人詔告首謀逆者重加官賞否則悉行誅戮乙辛教牌印郎君蕭訛
都幹自首臣嘗預速撒等謀因籍姓名以告帝信之以乙辛等鞠案至杖皇太子囚之宮中別室殺
撻不也撒刺等二十五人又殺速撒等諸子其幼稚及婦女奴婢家產皆籍沒之或分賜羣臣燕哥
等詐爲太子變書以聞上大怒廢太子徙上京乙辛尋遣人弑于囚所帝猶不寤朝廷上下無復紀
律天祚乾統元年凡太康三年預乙辛所害者悉復官爵籍沒者出之流放者還鄉里至二年始發

乙辛等墓剖棺戮尸誅其子孫餘黨子孫滅死徙邊其家屬奴婢皆分賜被害之家如耶律撻不也蕭達魯古等黨人之尤兇狡者皆以賂免至于覆軍失城者第免官而已行軍將軍耶律涅里三人有禁地射鹿之罪皆棄市其職官諸局人有過者鑄降決斷之外悉從軍賞罰無章怨讎日起劇盜相挺叛亡接踵天祚大恐益務繩以嚴酷由是投崖砲擲釘割鬻殺之刑復興焉或有分尸五京甚者至取其心以獻祖廟雖由天祚揅患無策流為殘忍亦由祖宗有以啟之也遼之先代用法尙嚴使其子孫皆有君人之量知所自擇猶非祖宗貽謀之道不幸一有昏暴者少引以藉口何所不至然遼之季世與其先代用刑同而興亡異者何歟蓋創業之君施之於法未定之前民猶未敢測也亡國之主施之於法既定之後民復何所賴焉此其所為異也傳曰新國輕典豈獨權事宜而已乎天祚末年遊畋無度頗有倦勤意諸子惟文妃所生敖盧幹最賢蕭奉先乃元妃兄深忌之會文妃之女兄適耶律撻曷里女弟適耶律余覲奉先乃誣告余覲等謀立晉王尊天祚為太上皇遂戮撻曷里及其妻賜文妃自盡敖盧幹以不與謀得免及天祚西狩奉聖州又以耶律撒八等欲劫立敖盧幹遂誅撒八盡其黨與敖盧幹以有人望即日賜死當時從行百官諸局承應人及軍士聞者皆流涕蓋自興宗時遽起大獄仁德皇后戕于幽所遼政始衰道宗殺宣懿皇后遷昭懷太子太子尋被害天祚知其父之冤而已亦幾殆至是又自殺其子敖盧幹傳曰於所厚者薄無所不薄矣遼二

百餘年骨肉自相殘滅天祚荒暴尤甚遂至于亡

遼史刑志下

天祚卽位賞罰無章其後益務嚴酷投崖砲擲釘割鬻殺之刑復興焉或有分尸五京甚者至取其心以獻祖廟而遼亦遂亡矣

續通志
刑法略

右刑制

太祖初年諸部新附文法未備康默記隸麾下一切番漢相涉事委令折衷默記推析律意論決輕重不差毫釐惟禁網者人人自以爲不冤七年詔曰朕自北征已來四方獄訟積滯頗多今休戰息民羣臣其副朕意詳決之無或冤濫乃命北府宰相蕭達魯等分道疏決而以韓知古領焉穆宗朝諸王多坐反逆知軍國事蕭哈里達政體每被命按獄多得其情人無冤者聖宗統和中敕諸處刑獄有冤不能申雪者聽詣御史臺陳訴委官覆問往時大理寺獄訟凡關覆奏者以翰林學士給事中政事舍人詳決至是始置少卿及正主之猶慮其未盡嘗親爲錄囚數遣使分詣諸道審決冤滯如邢抱朴之屬所至平反帝嘗微服出獵識耶律罕巴有長才會南京疑獄久不決命罕巴馳驛審錄罕巴量情處理人無冤者興宗重熙十二年詔諸路上重囚遣官詳讞道宗咸雍四年詔左伊勒希巴曰比詔外路死刑聽所在官司卽決然恐未能悉其情或有枉者自今雖已款伏仍令附近官司覆問無冤然後決之有冤者卽具以聞時御史中丞耶律儼武定軍節度使賈景庸崇德宮使蕭托斯和審決冤獄多稱平允昭懷太子之難窮治黨與多所牽引知雜事御史左企弓辨析其冤免者甚眾出爲中京副留守按刑遼陽有獄本輕而入之重者已奏待報企弓釋之以聞

續通典
刑典

右詳識

景宗保寧三年吳王稍爲奴所告有司請鞠帝曰朕知其誣若按問恐餘人效之命斬以徇聖宗統和時有達巴噶者竊薊州王令謙家財復手刃傷主幸不死有司止擬杖罪又訥默庫犯竊盜者十有三次皆以情不可恕命棄市近侍瑠格諤斯庫嘗從齊王妻而逃以赦後會千秋節自首詔諸近侍護衛集視而腰斬之由是國無倖民吏多奉職人重犯法

續通典
刑典

右決斷

天祚初窮治耶律伊遜黨有司不以爲意御史中丞耶律哈哩上書曰恩賞明則賢者勸刑罰當則姦人消二者旣舉天下不勞而治伊遜竊權肆惡不勝名狀蔽先帝之明誣陷順聖構害忠讜敗國罔上自古所無賴廟社之休陛下獲稟成業積年之冤一旦洗雪正陛下英斷克成孝道之秋如蕭德勒台實伊遜之黨耶律赫魯亦不爲早辨賴陛下之明遂正其事臣見陛下多疑故有司願望不切推問伊遜在先帝朝權寵無比先帝若以順考爲實則伊遜爲功臣陛下安得立耶先帝黜逐屢后詔陛下在左右是亦悔前非也陛下詎可忘父讐不報寬逆黨不誅今靈骨未獲而求之不切傳曰聖人之德無加於孝昔唐德宗因亂失母思慕悲傷孝道益著周公誅飛廉惡來天下大悅願陛下下下明詔求順考之瘞所盡收逆黨以正邦憲快四方忠義之心昭國家賞罰之用然後致治之道

可得而舉矣

遼史哈哩傳
續通典刑典同

按哈哩本傳云書奏不報聞者莫不歎惋總論又云哈哩之書幸出於伊遜既敗之後獲行其說一人之事一篇之中而互異如此今按天祚本紀乾統元年十月上昭懷太子諡曰大孝順聖皇帝廟號順宗明年四月詔誅伊遜黨徒其子孫於邊發伊遜德勒台之墓剖棺戮屍二事相去纔及半年哈哩上書日月雖不可考書中既稱屢考其距誅發逆黨之時當亦不遠不應初不報而旋即從之也本傳自相齟齬似從後論爲正且終遼之世臣下疏奏伉直無如此書者故備載云 續通典刑典附載

右守正

聖宗冲年嗣位睿智皇后稱制留心聽斷嘗勸帝宜寬法律帝壯益習國事凡更定法令十數條多合人心其用刑尤能詳慎定契丹漢人相毆致死一律科斷法著令叛逆之家兄弟不知情者無連坐五院部民有自壞鎧甲者其長博諾杖殺之上怒其用法太峻詔奪官吏以故不敢酷與宗時有羣牧人竊易官印以馬與人者法當死帝曰一馬殺二人不亦甚乎減死論又有兄弟犯強盜當死以弟從兄且俱無子特原其弟道宗咸雍三年有司奏新城縣民楊從謀反僞署官吏帝曰小人無知此兒戲爾止流其首惡餘並釋之 續通典刑典

右寬恕

穆宗嗜酒及臘不恤政事五坊掌獸近侍奉賭掌酒人等以獐鹿野豕鶉雉之屬亡失傷斃及私歸逃亡在告踰期召不時至或以奏對小不如意或以飲食細故或因犯者遷怒無辜輒加礮烙鐵梳之刑時或手刃刺人斷手足爛肩股折腰脛劃口碎齒鋸灼梟磔棄屍於野往往築封以爲京觀應歷十年以後時爲長夜彌月之飲醉中誅戮愈橫監雉詳裘壽格寧古等斃雉而亡獲之將誅殿前

都檢點耶律伊勒哈諫曰法不當死不聽殺而支解之以屍付伊勒哈曰收汝故人命有司取鹿人之在繫者六十五人斬所犯重者四十四人餘悉痛杖之

續通典刑典

穆宗卽位未久惑女巫肖古之言取人膽合延年藥故殺人頗眾後悟其詐以鳴鏑射騎踐殺之及海里之死爲長夜之飲五坊掌獸人等及左右給事誅戮者相繼不絕雖嘗悔其因怒濫刑論大臣切諫在廷畏懦鮮能匡救雖諫又不能聽

遼史刑志上

道宗太康中耶律伊遜窮治蕭蘇色等獄恐上疑引數人庭詰各令荷重校以繩繫其頸皆昏憤不能出氣惟求速死伊遜反奏曰別無異辭遂戮耶律薩喇等三十五人又殺蘇色等諸子其幼稚及婦女奴婢資產悉籍沒以分賜舊臣時方暑屍不得瘞以至腐臭乾統以來賞罰無章叛亡相繼天祚大恐益務繩以嚴酷初太祖因治諸弟逆黨權宜立法設爲投崖礮擲釘割齧解之刑至是復興焉

續通典刑典

右峻酷

遼制品官公事誤犯民年七十已上十五已下犯罪者聽以贖論贖銅之數杖一百者輸錢千太祖七年于厥掠生口者俾贖其罪放歸本部興宗重熙元年詔執事官公罪聽贖私罪各從本法

續通典刑制同

右贖刑

太祖五年皇弟塔克達喇伊德實安圖謀反安圖妻訥默庫知之以告得實帝不忍誅乃與諸弟登

山刑牲告天地爲誓而赦其罪出塔克爲德噶勒部額爾奇木封訥默庫爲晉國夫人八年于古凌
部人塔勒滿執逆黨布呼雅爾堅等十七人來獻帝親鞫之辭多連宗室及有脅從者乃杖殺首惡
布呼餘並原釋裕悅實魯之子華格屢蓄姦謀帝每優容之而反覆不悛召父老羣臣正其罪所鞫
逆黨二百餘人獄既具帝以人命至重死不復生賜宴一日隨其平生之好使爲之酒酣或歌或舞
或戲射角觥各極其意明日乃以輕重論刑首惡塔克次達喇帝猶弟之不忍真法杖而釋之以伊
德實安圖性本庸弱爲塔克所使伊德實妻尼嚕古脅從安圖妻訥默庫嘗有忠告並免天贊三年
二月徇幽薊地詔改元赦軍前殊死已下罪囚自後平渤海始卽位凡兩肆大赦焉會同己後大赦
曲赦之典不可枚舉大約嗣位改元上尊號皇子生及舉柴冊再生之禮則行太宗初邊將奏破吐
谷渾擒其長詔止除首惡餘並赦世宗時耶律吼有定策功加采訪使益以寶貨辭曰臣位已高敢
復求富臣從弟達魯諸子坐事籍沒陛下哀而赦之臣受賜多矣帝曰吼舍重賞而請赦族人賢矣
從之趙王喜隱應歷中謀反事覺帝臨問有狀以親釋之未幾復反下獄

續通典
刑典

道宗在位歲久又性溺浮屠故赦特煩數然終遼之世如天祿時之以公主額伯哩自死獄中重熙
時之以樞密使蕭孝忠薨開泰寺鑄銀佛像成皆曲行赦令尤爲不經蓋無取焉

續通典
刑典

太宗天顯五年三月皇弟魯呼請赦宗室錫里郎君以罪繫囚者詔從之七年八月林牙德勒賓逸
囚復獲而鞫之知其事本誣構釋之會同三年九月邊將奏破吐谷渾擒其長詔止誅首惡餘並赦

世宗時耶律吼有定策功加採訪使益以寶貨辭曰臣位己高敢復求富臣從弟達魯諸子坐事籍沒陛下哀而赦之臣受賜多矣帝曰吼舍重賞請赦族人賢遠甚從之天祿三年正月以蕭翰及公

主阿布哩謀反輸伏誅阿布哩自死獄中詔肆赦景宗保寧五年二月近侍薩喇勒誤觸神靈法論死杖而釋之興宗重熙八年十一月以皇太后行再生禮大赦按禮志再生儀十有二歲一舉行蓋

思而茲則皇太后亦行之也迨後二十年十二月皇太后又舉此制詔赦天下默爾根達使酒殺人而逃會永壽節自首特赦其罪十二年七月以樞密使蕭孝忠薨特赦重囚十五年十二月赦大辟以下罪是日為聖宗在時生辰十六年

十二月以皇太后疾愈肆赦雜犯死罪減一等論徒以下免十八年十二月有弟從兄為強盜者兄弟俱無子特原其弟道宗咸雍三年六月有司奏新成縣民楊從謀反偽署官吏帝曰小人無知此

兒戲耳獨流其首惡餘並釋之太康九年六月詔諸路檢括脫戶罪至死者原之十一月進封梁王延禧為燕國王大赦天下大安四年十一月興中府民張化法以父兄犯盜當死請代皆免續通志

刑法略

右赦宥

太宗會同五年五月五日禁屠宰道宗咸雍七年罷獵禁屠殺以置佛骨於招仙浮圖故也續通典

右禁屠殺

興宗重熙二年有司奏言元年詔曰犯重罪徒終身者加以捶楚而又黥面是犯一罪而具三刑宜免黥其職事官及宰相節度使世選之家子孫犯姦罪至徒者未審黥否帝諭曰犯罪而悔過自新

者亦有可用之人一黥其面終身爲辱朕甚憫焉遂定刺臂刺頸之制分別施之按遼世於刑罰未嘗專設科條其時

執政大臣與司刑官屬亦鮮有建議執奏者故終遼之世別無雜議可述云

續通典刑典

右雜議